

四庫全書

經部

欽定四庫全書

經部
唐韻正卷十五

詳校官監察御史_臣施朝幹

洗馬_臣王坦修覆勘

總校官編修_臣王燕緒

校對官中書_臣張曾炳

謄錄監生_臣劉維翰

欽定四庫全書

唐韻正卷十五

崑山顧炎武撰

入聲

三燭

燭之欽切

平聲則音朱

漢張衡東京賦德寓天覆輝烈光燭

狹並王之超超軼五帝之長驅踵二皇之遐武誰謂

駕遲而不能屬五臣本作燭音同後魏渴燭渾氏

亦作可足渾氏又作可朱渾氏

後魏渴燭渾氏

去聲則音注

漢書武帝紀地祇見光集于靈壇一夜三燭服虔曰燭音炷

噉

去聲同上 今此字四收於四十九宥五十候三燭
四覺部中詳見宥韻

蠋

上聲則音主 詩東山首章蠋蠋者蠋烝在桑野敦
彼獨宿亦在車下 韓奕傳厄烏蠋也沈音晝晝古
音注

玉

魚欲切

上聲則魚語反 禮記玉藻見上聲夏字下
去聲則音御 詩小戎見屋字下 文子上德篇故
與弱者金玉不如與之尺素 易林訟之蠱見絡字
下 太玄經見穀字下

獄

上聲同上 詩小宛見穀字下 漢書蓋寬饒傳以刑餘為周召荀悅漢紀作刑獄獄字轉為餘

項 許玉切

平聲則音吁 五經通義顓頊者項猶愉也 史記匈奴傳有義渠大荔烏氏朐衍之戎徐廣曰朐音項 鄭氏音吁

暴 居玉切

去聲則音倨 說文暴从木具聲

暴

同上 說文暴从糸具聲

暴

同上 說文暴从車具聲

局 渠玉切

去聲則音具 禮記曲禮行前朱鳥而後玄武左青
龍而右白虎招搖在上急繕其怒進退有度左右有
局各司其局 管子白心篇知時以為度大者寬小
者局物有所餘有所不足 詩正義句者局也 釋
名窰數猶局促也 按局字當从句說文以為从尺
在下姑從之

局 市玉切

去聲則音樹
屋三燭部中

今此字四收於四十五厚五十候一

屬之欲市玉二切

之欲切去聲則音注
儀禮士昏禮酌玄酒三屬于
尊註屬注也
考工記函人為甲犀甲七屬兕甲六

屬合甲五屬註屬讀如灌注之注
匠人水屬不理
孫註屬讀為注
左傳定十四年屬劔於頸師屬之目

屬之欲反又之佳反
市玉切平聲則音儒

漢張衡東京賦見上

去聲則音樹
詩角弓見木字下
楚辭離騷前望

舒使先驅兮後飛廉使奔屬
鸞皇為余前戒兮雷師

告余以未具
天問九天之際安放安屬
隅限多有

誰知其數
靈樞經衛氣失常篇夫百病變化不可

勝數然皮有部肉有柱
血氣有輪骨有屬
爾雅釋

言孺屬也
詩常棣和樂且孺
孺屬也
蔡邕獨斷

大夫曰孺人孺之言屬也

觸 尺玉切

去聲則尺御反淮南子齊俗訓故諺曰鳥窮則喙
獸窮則卑人窮則詐詐則故反卑古觸字新序作觸
羽若蚘之足可以行可以舉可以噬可以觸說山
訓介蟲之動以固貞蟲之動以毒螫熊羆之動以攫
搏兕牛之動以觝觸搏音布漢揚雄羽獵賦賁觀
夫栗禽之絀踰犀兕之抵觸熊羆之挐攫虎豹之凌
遽張衡西京賦百禽悵遽駭瞿奔觸喪精亡魂失
歸亡趨投輪關輜不邀自遇

辱 而蜀切

去聲則而注反 禮記儒行可殺而不可辱也其居處不淫其飲食不溲其過失可微辨而不可面數也與荀子正論篇明見侮之不辱使人不鬪然則鬪與不鬪邪止於辱之與不辱也乃在於惡之與不惡也

溲

同上 禮記儒行見上 歸藏易需作溲蓋平聲則轉為儒與需音相近

束 書玉切

去聲則音恕 荀子見去聲構字下 淮南子兵略訓極其變而束之盡其節而仆之 鷗冠子近迭篇主道所高莫貴約束得地失信聖王弗據倍言負約各將有故 太玄經周測出我入我不可不懼也帶

其鉤鞏自約束也漢蔡邕筆賦惟其翰之所生於
季冬之狡兔性精亟以慄悍體逸迅以騁步削文竹
以為管加漆絲之纏束公羊隱元年傳詛命相誓
以盟約束也束一音戊周禮司約註約言語之約
束束劉音詩樹反

欲余讀切

上聲則余矩反素問血氣形志篇凡治病必先去
其血乃去其所苦伺之所欲然後寫有餘補不足
淮南子詮言訓見後字下
去聲則音裕書大禹謨罔違道以干百姓之譽罔

咈百姓以從己之欲呂氏春秋論人篇適耳目節
嗜欲釋智謀去巧故淮南子原道訓去其誘慕除
其嗜欲損其思慮文子同主術訓必先計歲而
牧量民積聚知饑饉有餘不足之數然後取車輿衣

食供養其欲 繆稱訓欲知天道察其數欲知地理
物其樹欲知人道從其欲 說林訓見鐸字下 鵠

冠子世兵篇衆人域域迫於嗜欲小知立趨好惡自
懼 漢王褒四子講德論見去聲 魁字下 揚雄羽

獵賦若夫壯士怵慨殊鄉別趣東西南北騁嗜奔欲
張衡東京賦見去聲 奏字下 晉潘岳西征賦紅

鮮紛其初載賓旅竦而遲御既餐服而屬厭泊恬靜
以無欲迴小人之腹為君子之慮 支遁詠禪思道

人詩中有冲希子端坐慕太素自強敏天行弱志
無欲 闕

鵠

平聲則音臾 說文鵠或作雛从佳从臾

谷

平聲同上 楊慎曰漢書藝文志鬼谷區三篇師古曰即鬼臾區也今本誤作鬼容區

上聲則音與 詩桑柔見上聲垢字下 去聲則音裕 詩葛覃見絀字下 漢馬融廣成頌

見廓字下 說文裕从衣谷聲 按山谷之谷廣韻雖有余蜀古祿二切其實欲乃正音易井九二井谷

射鮒陸德明音義一音浴書竟典宅喁夷曰陽谷一音欲左傳僖三十二年註此道在二穀之間南谷中

一音欲史記樊噲傳破甗胡騎橫谷正義曰谷音欲貨殖傳畜至用谷量馬牛索隱曰谷音欲漢苦縣老

子銘書谷神不死作浴神是也轉去聲則音裕今人讀谷為穀而加山作峪乃音裕非矣 楊慎曰順天

府有平谷縣今或添山作峪非也宋蘇軾詩入谷驚密蒙自註谷音浴

慾

去聲同上 呂氏春秋大樂篇成樂有具必節嗜慾
嗜慾不辟樂乃可務 淮南子精神訓使耳目精明
玄達而無誘慕氣志虛靜恬愉而省嗜慾 繆稱訓
見去聲釋字下 漢張衡東京賦達餘萌於暮春昭
誠心以遠諭進明德而崇業 游饗饗之貪慾仁風衍
而外流 詛聲激而遐驚 詩螽斯箋凡物有陰陽情
慾者 諸詮之音論

鎔

同上 漢書食貨志姦或盜摩錢質而取鎔師古曰
鎔音浴

浴

上聲則音与 素問至真要大論上之下之摩之浴
之 康海武功志曰關西人讀浴若于

躅 直錄切

去聲則直慮反 史記淮陰侯傳騏驎之踟躕不如
驚馬之安步

蝟

上聲則音汝 詩東山首章蝟蝟者蝟烝在桑野敦
彼獨宿亦在車下

錄 力玉切

去聲則音慮 漢書雋不疑傳錄囚徒師古曰省錄
之知其情狀有冤滯與不也今云慮囚本錄聲之去
者耳音力具反而近俗不曉其意訛其文遂為思慮
之慮何武傳行部錄囚徒 宋黃朝英緬素雜記曰
太玄經蹄于狴獄三歲見錄集韻錄音良倨反寬省
也唐時循襲舊史以錄為慮故劉餗嘉話稱高祖平

京師李靖見收太宗慮四見靖引與語奇之又王涯說通作慮

綠

上聲則力主反 禮記喪大記君大夫髻爪實于綠中註綠或為簍

去聲則音慮 漢枚乘七發連廊四注臺城層構紛紛玄綠輦道邪交隍池紆曲

曲 丘玉切

平聲則音區 詩小戎見屋字下 春秋桓十二年公會紀侯莒子盟于曲池公羊傳作歐蛇汲冢書作

區蛇

上聲則丘羽反 漢書高帝紀又戰曲遇東蘇林曰

曲音齟師古曰齟音丘羽反曹參周勃樊噲傳註竝同

去聲則丘具反

訓見去聲敎字下

漢枚乘七發見上

淮南子時則

泛博鞮鞻所掌之音

棘昧任禁之曲以娛四夷之君

以睦八荒之俗錯音措博音布漢書陳平傳曲逆無音五臣註文選陸機漢高祖功臣頌云曲音區句反

斲

陟玉切

平聲則音朱

釋名鑄誅也主以誅除物根株也鑄即斲字

足

即玉切

平聲則即餘反老子天之道損有餘而補不足人之道則不然損不足以奉有餘孰能有餘以奉天下唯有道者是以聖人為而不恃功成而不處上聲則即汝反莊子達生篇夫忿瀟之氣散而不

反則為不足上而不下則使人善怒素問見上
淮南子見祿字下易林恒之兌狗吠非主齧傷我

足

去聲則即樹反管子見上淮南子兵略訓見上

論語足恭足音子樹反左傳襄十一年註分以
足成三軍足將住反又如字二十五年言以足志

文以足言足將住反如字二十六六年釁於勇齋於
禍以足其性足子住反又如字周禮大司徒註禮

物不備相給足也足劉音子喻反漢書五行志不
待臣音復調而足師古曰足音子喻反後漢書馮

魴傳特詔以它縣租稅足石令如舊限足音即喻反
今此字兩枚於十遇三燭部中十遇部註云本音

入聲

贖神蜀切

去聲則音樹晉潘岳西征賦感市閭之葢井歎尸韓之舊處丞屬號而守闕人百身以納贖豈生命之

易投誠惠愛之洽著評望之以求直亦余心之所惡書舜典金作贖刑徐邈音常句反詩黃鳥如可贖

兮人百其身贖食燭反又音樹書傳會選贖神蜀反陸云徐仙民音樹沈存中云經典釋文如熊安生

革多用北音陸德明多從吳音鄭康成齊人多從東音如贖音樹此北音也至今河朔人謂贖為樹

幪

房玉切

去聲則普故反 說文幪幪也

促

七玉切

去聲則音趣 周禮縣正趨其稼事而賞罰之趨本又作趣音促鄒長里宰趨其耕耨竝同 朝士帥其

屬而以鞭呼趨且辟趨本又作趣七須反劉音清欲

反

考工記矢人註令趣鏃也趣七喻反一音促

反又七綠反乃命有司趣民收斂趣本又作趨七住

反

禮記月令乃命有司趣民收斂趣本又作趨七住

趨音促數煩志趨讀為促祭義其行也趨趨以數

趨音促

管子強本趨耕趨讀為促莊子王命相

者趨射之趨音促脩上而趨下趨音促史記項

羽紀數

使使趣齊兵欲與俱西正義曰趣音促史記項

書高帝紀今趨銷印師古曰趨讀曰促凡史記漢書

促字

皆作趣亦作趨春秋說題辭促織言趨織也

織興事遽故趨織鳴女作兼廣韻七遇部趣下註

云又親

足切今三燭部中漏此字

趨

平聲則音趨

漢張衡東京賦見上

續 侶足切

平聲則侶俱反
去聲則侶句反

詩小戎見屋字下
詩小戎陰鞠蓋續徐邈音辭屢反

侶 禮記深衣續衽

鉤邊註續或為裕

玉篇續侶錄

栗

相玉切

去聲則音絮

詩小宛見穀字下

于

丑玉切

去聲則音住
此韻轉去聲則入御遇暮韻

今此字兩收於十遇三燭部中

旭

許玉切

上聲則許九反詩旭日始旦林音呼老反旭韻補
引說文旭从日九聲太玄經從次二方出旭旭朋從
爾醜

勛

同上說文勛从力冒聲禮記坊記引詩先君之
思以勛寡人作以畜寡人張弼曰俗勛破體又譌
韻从助非以上二字當改入沃韻轉去聲則入救幼

四覺

此韻當分為二

覺

古岳切當作古樂

平聲則古又反 詩兔爰見平聲罕字下 左傳哀
二十一年齊人歌魯人之皋數年不覺使我高蹈唯

其儒書以為二國慶 漢司馬遷悲士不遇賦好生惡死
去聲則古效反

才之鄙也好貴夷賤哲之亂也炤炤洞達胃中割也
昏昏罔覺內生毒也覺與毒為韻 蔡邕太傅胡公

碑文靜而不滯動而不躁總天地之中 and 覽生民之
上操聰明膚敏兼資先覺涉觀憲法契闊文學睹皋

陶之闡閭探孔子之房奧 晉左思吳都賦暨其幽
遐獨邃寥廓間奧耳目之所不該足趾之所不蹈倘

儻之極異崖詭之殊事藏理於終古而未寤於前覺
也若吾子之所傳孟浪之遺言畧舉其梗概而未得

其要妙也 魏都賦金石絲竹之恆韻匏土革木之
常調干戚羽旄之飾好清謳微吟之要妙世業之所

日用耳目之所聞覺 成公綏嘯賦于是延友生集
同好精性命之至機研道德之玄奧飜流俗之未悟

獨超然而先覺峽世路之阨僻仰天衢而高蹈邀跨俗而遺身乃慷慨而長嘯郭璞山海經菌草贊菌草赤莖實如蓂莢食之益智忽不自覺殆齊生知功奇於學驪龍贊見毒字下抱朴子仁明篇故其思愛弘於長育哀傷著於啁噍然赴阮甯而無猜入罽羅而不覺魏書張實傳涼州謠蛇利砲蛇利砲公頭墜地而不覺釋名覺告也又曰自上勅下曰告告覺也史記高祖紀高祖覺索隱曰包愷劉伯莊皆音古孝反今此字兩收於三十六效四覺部中

較

去聲同上詩淇奥三章寬兮綽兮倚重較兮善戲謔兮不為虐兮今此字兩收於三十六效四覺部中說文作較从車交聲

權

同上 漢書武帝紀註如淳曰權音較

樂

五角切 當作五覺

去聲則音效 詩關雎三章參差荇菜左右芼之窈窕淑女鐘鼓樂之 唐揚之水見沃字下 晨風見

下 南有嘉魚首章南有嘉魚烝然罩罩君子有酒嘉賓式燕以樂 正月抑竝見虐字下 九辯見鑿

字下 新序見沃字下 漢馮衍顯志賦游精神于大得以和渾物咸喜樂 太玄經樂陽始出與舒壘

宅兮坑玄妙之常操處清靜以養志兮實吾心之所樂 晉潘岳西征賦凡厥寮司既富而教咸帥貧情

司整楫棹收畧課獲引繳舉效鰥夫有室愁民以樂 陸機遂志賦見下 陶潛祭程氏妹文咨爾令妹

有德有操靖恭鮮言聞善則樂能正能和惟友惟孝
行止中閨可象可做梁昭明太子七契奇舞遞作
名詎斯召綽約妍姿嬋媽宜笑綺穀風吹珠璣星耀
齊竿颺參差之響趙瑟奏鏗鏘之妙茲亦游讌之至
娛子能偕此而為樂乎今此字兩收於三十六效
四覺部中

澹士角切 當作士覺

去聲則子肖反 考工記輈人良輈環澹註鄭司農
云澹讀為澹酒之澹音子肖反 弓人冰析澹澹子
召反

樵側角反 當作側覺

平聲則音焦 說文樵从米焦聲

箭

所角切

當作所覺

平聲則音簫 左傳昭二十九年見舞韶箭者箭音
蕭 史記吳世家見舞象箭南籥者索隱曰箭音朔
又蘓彫反 見舞招箭索隱曰韶簫二字體變耳
今此字兩收於三蕭四覺部中

擧

同上 考工記輪人欲其擧爾而纖也擧音蕭又色
交反又音朔 今此字兩收于四宵四覺部中
倬 竹角切 當作竹覺

去聲則竹到反 爾雅釋詁筇大也音覃疏引韓詩
云筇彼圃田

筇

同上 說文薊从艸到聲 今此字兩收於三十七
号四覺部中 按此字說文廣韻皆从艸爾雅从竹
但訓云草大也則當以从艸者為是

卓

同上 魏李興表諸葛忠武侯閭文遐哉邈矣厥規
卓矣凡若吾子難可究已 說文鯨引詩烝然鯨鯨
从魚卓聲今詩作罩罩 釋名超卓也舉腳有所卓
越也 呂氏春秋齊淖齒作卓齒 又按說文悼淖
悼踔皆以卓得聲

駁

北角切 當作北覺

去聲則北教反 淮南子脩務訓若魚之躍若鵲之
駁 晉郭璞江賦若乃巴東之峽夏后疏鑿絕岸萬

狀壁立赧駁

按躍鑿皆可讀去聲

趯

同上 今濟南趯突泉讀為豹

爆

同上 說文爆从火暴聲 今此字三枚於三十六
效四覺十九鐸部中

曝

同上 莊子曝然投杖而笑曝音剥又孚邈反又孚

駁

同上 詩晨風二章山有苞櫟隰有六駮未見君子
憂心靡樂 說文駮獸如馬倨牙食虎豹从馬交聲
駮馬色不純从馬交聲二字轉去聲則補教反與交
交協徐鉉乃曰交非聲誤 趙宦光曰此字石經註
疏竝从交用駮今公車內本从交用駮傳家解梓榆
皮倨之故名詳駮駮二字形聲義訓竝無兩說合之
可也

貌 莫角切 當作莫覺

去聲則音貌 魏李興表諸葛忠武侯閭文見上
晉陸雲祖王羊二公詩見廸字下 說文邈从辵貌
聲

慙

同上 說文慤从心貌聲

藐

上聲則音杪
音彌小反

左傳定五年殺公何藐藐亡角反一

去聲同上

詩抑見虐字下 崧高四章既成藐藐

王錫申伯四

牡蹻蹻鉤膺濯濯 莊子藐姑射之山

藐音邈又妙紹反

說文藐从艸貌聲 今此字兩

收於三十小四覺部中

眊

同上 說文眊从目毛聲 今此字兩收於三十
号四覺部中

覓

同上 今此字兩收於三十六效四覺部中

電

蒲角切 當作蒲覺

去聲則蒲報反 說文電从雨包聲 釋名電砲也
其所中物皆摧折如人所盛砲也

跑

平聲則音庖

咆

同上 今此二字兩收於五肴四覺部中

𪔐

同上 說文敝从瓜交聲

暑

去聲則音暴 說文暑从言暴省聲

鞞

匹角切 當作匹覺

去聲則防敎反 考工記攻皮之工函鮑韠韋裘鮑
故書或作鞞 說文鞞从革包聲 今此字三收於
三十一巧三十六效四覺部中

鮑

平聲則音庖 說文即鮑字鮑或从包 文選班固
西都賦鮑鮑紛紛李善音婢姚切 今此字兩收於

五音四覺部中

敲

克角切

當作克覺

平聲則口交反說文敲从攴高聲亦作敲左傳
定二年奪之杖以敲之敲苦孝反又苦學反今五
音部中有敲字玉篇敲口交口卓二切

塙

去聲則苦教反說文作塙从土喬聲玉篇塙口
交口角二切

嫿

直角切

當作直覺

平聲則徒彫反詩桃桃公子韓詩作嫿嫿今此
字兩收於三蕭四覺部中

濯

上聲則直佼反 詩靈臺三章鹿鹿濯濯白鳥鷩鷩
王在靈沼於物魚躍

去聲則直教反 詩桑柔見削字下 崧高見上
素問靈蘭秘典論 肖者濯濯孰知其要 閔閔之當孰

者為良 晉陸機遂志賦 蕭綢繆於豐沛故攀龍而
先躍陳頓委於楚魏亦凌霄霄以自濯伍被刑而伏劍

魏和戎而擁樂彼殊塗而竝致此同川而偏溺禍無
景而易逢福有時而難學 唐張說和麗妃神道碑

銘帝妃佐后實掌陰教八月選才千金聘貌禮獻綵
繭詩修澣濯婦政可尊嬪風 晉效 周禮守祧註故

書祧作濯鄭司農濯讀為祧 禮記喪大記濡濯棄
於坎濯直孝反 漢書百官表輯濯師古曰濯音直

孝反 司馬相如傳濯鵠牛首師古曰濯者所以刺
船也 音直孝反 劉屈氂傳發輯濯士師古曰濯本

亦作擢音直孝反鄧通傳以濯船為黃頭郎師古
曰濯讀曰擢音直孝反元后傳輯濯越歌師古曰
濯與擢同釋名擢濯也濯於水中也且言使舟擢
進也今此字兩收於三十六效四覺部中

筠於角切當作於覺

去聲則音要說文筠从竹約聲玉篇筠於卓一
孝二切

廣韻三十六效部筠下註云又於角切今覺部漏此
字

掉女角切

去聲則徒弔反今此字三收於二十九篠三十四
嘯四覺部中

遑敕角切當作敕覺

去聲則敕詔反說文遼从毛卓聲讀若掉茗之掉
亦作趙玉篇趙丑孝丑角二切今趙字在三十六
效部

蹕

同上史記司馬相如傳蹕稀間郭璞曰蹕音託鈞
反貨殖傳上谷至遼東地蹕遠索隱曰劉氏蹕音
卓一音勅教反今此字兩收於三十六效四覺部
中

犖

呂角切當作呂覺

去聲則音滂左傳莊三十二年圍人犖公羊作鄧
扈樂說文犖从牛勞省聲

學

胡覺切

去聲則音效 禮記禮運故宗祝在廟三公在朝三
老在學 漢書叙傳樂安褒褒古之文學 漢傳毅

迪志詩先人有訓我訊我誥訓我嘉務誨我博學
蔡邕太傅胡公碑文見上 晉陸機遂志賦見上

郭璞山海經贊見上 說文即數省 書說命惟數

學半或作學禮記學記作學學半檀弓叔仲皮學子

柳文王世子凡學世子及學士必時春夏學干戈秋

冬學羽籥小樂正學干籥師學戈竝音效 張詠曰

數學即一字二音因分讀交錯又與李溷

樂

上聲則下巧反 今此字兩收於三十一巧四覺部
中

習高 許角切 當作許覺

去聲則音號

詩靈臺見上

賈誼新書引此作白

瀉

上聲則音皓

史記秦始皇本紀為吾遺瀉池君正義曰瀉胡老反今此字兩收於三十二皓四覺部

中
以上字轉去聲則當入嘯笑效號韻

考工記輪人則穀雖敝不斂斂威音好角反今斂字在平聲四宵五肴去聲三十七号部

穀

古岳切

古音穀 今此字兩收於一屋四覺部中

角

古音祿詩麟之趾三章麟之角振振公族行露
二章誰謂雀無角何以穿我屋誰謂女無家何以速
我獄雖速我獄室家不足良耜殺時惇牡有秣其
角以似以續呂氏春秋明理篇馬有生角雄雞五
足史記刺客傳其稱太子丹之命天雨粟馬生角
也漢書五行志雞生角時主獨董仲舒傳予之
齒者去其角傳其翼者兩其足枚乘七發逐馬鳴鑣
龍又無角謂之為蛇又有足枚乘七發逐馬鳴鑣
魚跨麋角履游麋兔蹈踐麋鹿董仲舒士不遇賦
心之憂歟不期祿矣皇皇匪寧祗增辱矣弩力觸藩
徒推角矣淮南子覽冥訓晚世之時七國異族諸
侯制法各殊習俗從橫間之舉兵而相角兵略訓
擊之如雷霆斬之若草木燿之若火電欲疾以邀人
不及步鎔車不及轉轂兵如植木弩如羊角人雖衆
多勢莫敢格說山訓故梧桐斲角馬蹏截玉易
林坤之屯蒼龍單獨與石相觸摧折兩角室家不足

屯之損蹄牛失角下山傷軸失其利祿過在誰孰
家人之震黃牛驛犢東行折角艮之屯蹇牛折
角不能載粟災害不避年歲無穀節之明夷羽動
角甘雨續草木茂年歲熟太玄經漢次四訕其角
直其足維以溪穀格上九郭其目觸其角不庫其
體擴遇次七振其角君父遇辱上九觖其角遇
下毀足翕上九揮其角維用抵族難次八觸石
決木維折角玄梔噴以牙者童其角揮以翼者兩
其不足京房易傳臣易上政不順厥妖馬角茲謂賢
士不足崔駰杖頌用以為杖飾以犀角王母扶持
永保百禄風俗通燕太子丹天為雨粟烏白頭馬
生角厨人生害足井上株木跳度瀆傳穀舞賦嘉
關雎之不淫兮哀蟋蟀之局促啟泰真之否隔兮超
遺物而度俗揚激徵騁清角贊舞操奏均曲張衡
南都賦綠碧紫英青腹丹粟太一餘糧中黃穀玉松
子神陂赤靈解角耕父揚光於清冷之淵游女弄珠

於漢皋之曲 仲長統述志詩飛鳥遺跡蟬蛻亡殼
騰蛇棄鱗神龍喪角至人能變達士拔俗乘雲無轡
騁風無足垂露成幃張霄成幄沆瀣當餐九陽代燭
恒星艷珠朝霞潤玉六合之內恣心所欲人事可遺
何為局促 李尤彈銘昔之造彈起意弦木以九為
矢合竹為櫟漆飾以霑不用筋角九彈之利以弋鳧
鶩歸不數蘇伯玉妻盤中詩家居長安身在蜀何惜馬
蹄歸不數羊肉千斤酒百斛令君馬肥麥與粟今時
人知四足與其書不能讀當從中央周四角 魏嵇
康琴賦爾乃理正聲奏妙曲揚白雪發清角紛淋浪
以流離渙淫衍而優渥粲奕奕而高逝馳炭炭以相
屬 吳薛綜麒麟頌政平觀景否則戢足德以衛身
不布牙角屏營唐日帝堯保祿 萬震犀臂獸曰玄
犀處自林麓食惟棘刺體兼五肉或有神異表露以
角含精吐烈望如華燭置之荒野禽獸莫觸 晉左
思蜀都賦拔象齒戾犀角鳥鍛翮獸廢足 陸機七

徵激長歌於丹脣發銍鏘乎柔木合清商以絕節揮
流徵而赴曲奏南荆之高歎詠易水之清角 郭璞
山海經共工贊共工赫怒不周是觸地虧吳維天缺
乾角 拗閭駢馬獨狝贊有獸如豹厥文惟緡閭善
躍嶮駢馬一角虎狀馬尾號曰獨狝 海錄白蓮水
邊有車覆粟車脚淪泥犢牛折角牧之不盡相呼共
啄 後魏張淵觀象賦左則天紀槍梧攝提大角二
咸防奢七公理獄庫樓炯炯以灼明騎官騰驤而奮
足天市建肆於房心帝座礫落而電燭 隴西謠安
陽大角十牛九犢 北齊書楊愔傳童謠白羊頭尾
禿殺禪頭生角 禮記喪大記君大夫簪爪實於綠
中註綠當為角聲之誤也 左傳桓二年正義引韓
詩說四升曰角角觸也 漢書律歷志角觸也物觸
地而出戴芒角也 風俗通同又見上聲斗字下
鵬冠子泰鴻篇北方者萬物錄戒馬故調以角
史記李斯傳方作轂抵優俳之觀應劭曰戰國時稍

增講武之禮以為戲樂秦更名曰角抵唐李濟翁
資暇錄曰漢四皓其一號角里先生角音祿今多以
覺音呼誤也是以魏子及孔氏祕記荀氏漢紀慮將
來之誤直書祿里可得而明也按玉篇等字書皆云
東方為角音祿或作𧇧字亦音祿魏子祕記漢紀不
書𧇧而作祿者以其字僻又慮誤音故也今人讀角
為覺而角里先生之音祿者輒改作角益為可嗤矣
李因篤曰杜甫赤霄行孔雀未知牛有角渴飲寒
泉逢觝觸唐人亦作祿音用說文斛从斗角聲
今此字兩收於一屋四覺部中

去聲則音慮尉繚子兵談篇兵如總木弩如羊角
人人無不騰陵張膽絕乎疑慮堂堂決而去淮南
子汜論訓夫雌雄相接陰陽相薄羽者為雛鷺毛者
為駒犢豕者為皮肉堅者為齒角兵略訓見觸字
下

桷

古音同上 易漸六四鴻漸於木或得其桷 晉夏侯湛玄鳥賦爾乃銜泥構巢營居傳桷積一喙而不已終累泥而成屋拾柔草以自藉採懦毛以為蓐吐清惠之冷音永吟鳴而自足抱朴子嘉遯篇茅茨艷於丹楹采椽珍於刻桷登嵩峰為臺榭庇巖雷為華屋積篇章為教庾寶玄談為金玉棄細人之近聽捐庸隸之所欲游九皋以含歡遣智惠以絕俗同屈尺蠖藏光守樸表拙示訥知止常足

鰈

同上 魏書江式傳宮商鰈徵羽鰈即角字從录得聲 今此字兩收於一屋四鰈部中

獄

五角切

古音獄 漢書禮樂志郊祀歌玄冥篇易亂除邪革
正異俗兆民反本抱素懷樸條理信義望禮五嶽籍

斂之時掩收嘉穀 朱雲傳五鹿嶽嶽朱雲折其角
太玄經從陽躍於淵于澤于田于嶽物企其足

法言川有瀆山有嶽 揚雄太玄賦宣若師由聃兮
執玄靜于中谷納偶祿于江淮兮揖松喬于華嶽升

崑崙以散髮兮踞弱水以濯足 馬融廣成頌於是
周陞環瀆右臂三塗左概嵩嶽面據衡陰箕背王屋

王逸九思川谷兮淵淵山岳兮硤硤 長窘路狹且
林榛兮岳岳 酈炎見志詩大道夷且長窘路狹且

促脩翼無卑棲遠趾不步局舒吾陵霄羽奮此千里
足超邁絕塵驅倏忽誰能逐賢愚豈常類稟性在清

濁富貴有人籍貧賤無天錄通塞苟由已志士不相
卜陳平教里社韓信釣河曲終居天下宰食此萬鍾

祿德音流千載功名重山嶽 蔡邕太尉李咸碑銘天
塋三台地建五嶽降生我公應鼎之足奕世載德名

昭圖錄 古今樂錄怨詩行天道悠且長人命一何
促百年未幾時奄若風吹燭嘉賓難再遇人命不可
續齊度游四方各繫太山錄人間樂未央忽然歸東
嶽當須盡中情游心恣所欲 魏文帝校獵賦列卒
星陳戎車方轂風迴雲轉埃連颼屬雷響震天地譟
聲蕩山岳 陳思王上責躬詩願蒙矢石建旗東嶽
庶立毫釐微功自贖 平陽懿公主誄配爾君子華
宗貴族爵以列侯銀艾優渥成禮於宮靈輶交轂生
雖異室歿同山嶽 魏公卿上尊號奏上公策祝燔
燎棧樸告類上帝望秩五岳 嵇康散騎常侍阮籍
碑辭我我先生天挺無欲玄虛恬淡混齊榮辱蓋滌
穢累婆娑山足胎胞造化韜蘊光燭鼓棹滄浪彈冠
嶠岳頤神太素簡邁世局澄之不清濁之不濁翺翔
區外遺物庶俗隱處巨室反真歸漠汪淵源邁跡
崗錄 晉司馬彪贈山濤詩茗茗倚桐樹寄生於南
岳上陵青雲霓下臨千仞谷處身孤且危於何托余

足陸機漢高帝功臣頌芒芒宇宙上塲下黷波振
四海塵飛五嶽九服徘徊三靈改卜赫矣高祖肇載
天祿贈弟士龍詩行矣怨路長超馬傷別促指途
悲有餘臨觴歡不足我若西流水子為東峙嶽陸
雲吳丞相陸公誄厥初藏器棲蟠海岳披藻崑崙濯
秀暘谷贈奚世都詩入贊崇華遂登帷幄時文聖
宰天祚方穀朔風嶽止鴻漸于嶽傅咸詩零露漙
江海飛塵崇山嶽過謬佐台輔安能任鼎餽夏侯
湛抵疑喻風飲露不食五穀登太清游山嶽靡芝草
弄白玉不因而獨備無假而自足傅玄永寧太僕
龐侯誄天假其年主優其祿等勳伊呂比壽東嶽
靈蛇銘嘉茲靈蛇斷而能續飛不須翼行不假足上
騰雲霄下游山嶽進此明珠預身龍族郭璞鹽池
賦若乃煎海鑠泉或凍或漉所贍不過一鄉所營不
過鍾斛飴戎見珍於西鄰火井擅奇乎巴濮豈若茲
池之所產帶神邑之名嶽吸靈潤於河汾總膏液乎

澹澌湛方生游園詠乘初霽之新景登北館以悠
矚對荆門之孤阜傍魚陽之秀岳庚闌閒居賦若
夫左瞻天宮右眇西嶽飛彤素嶺敷翠綠朝霞時
清滄浪靡濁黃綺絮其雲棲漁父欣其濯足桓玄
鶴賦練妙氣以道化孰百年之易促稅雲駕于三山
升鸞皇於崑嶽虞播阮籍銘鼓棹滄浪彈冠嶠岳
頤神太素閒曠世局澄之不清濁之不濁翱翔區外
遺物度俗隱處巨室反真歸樸汪汪川源邁迹圖錄
尺遂孫綽太宰郝鑒碑文搞藻風雲策名帝錄肇階方
之柔木取坤象於四方位將軍乎五岳王讚三月
三日應詔詩家賓伊何且惟姻族如彼葛藟衍於樛
木郁郁近侍巖巖台嶽庶寮鱗次以崇天祿鈕滔
母孫氏瑩篋賦思超梁甫願登華嶽路嶮悲秦道難
怨蜀遺逸悼行邁之離秋風哀年時之速陵危柱以
頤頤憑哀絃以躑躅宋顏延之赭白馬賦將使紫

驚駢衡綠虵衛轂織驪接趾秀騏驎于觀王母於崑
墟要帝臺於宣嶽跨中州之轍跡窮神行之軌躅
齊王巾頭陀寺碑文質判玄黃氣分清濁涉器千名
含靈萬族淳源上派澆風下黷愛流成海情塵為岳
祿龍周王褒上庸公陸騰勒功碑辭遐觀命氏眇求世
生降靈惟岳朝陽擢彩荆山曜璞唐玄宗紀泰山
銘見平聲邦字下李白送魯郡劉長史詩魯縞如
白煙五縑不成束臨別贈貧交一尺重山嶽諸書
有作岳者音義竝同總裁於此說文嶽从山嶽聲

岳

見上

鷺

古音同上

說文驚从鳥獄聲

浞

士角切

古音士祿反

說文浞从水足聲

驚

古音同上

說文驚从鳥族聲

捉

側角切

古音側祿反

釋名捉促也使相促及也

說文捉

从手足聲

朔

所角切

古音所雒反 禮記禮運以炮以燔以亨以炙以為醴酪治其麻絲以為布帛以養生送死以事鬼神上帝皆從其朔 晉成公綏嘯賦逸氣奮涌繽紛交錯列列颺揚啾啾響作奏胡馬之長嘶迴寒風乎北朔又侶鴻鴈之將雛羣鳴號乎沙漠平聲則音蘇 白虎通朔之為言蘇也明消更生故言朔也 釋名朔蘇也月死復蘇生也去聲則音素 漢張衡西京賦南朔衡陽北棲雁門朔即遡字 按遡遡皆從朔得聲

款

古音同上 說文款从欠求聲

嗽

見一屋韻

數

古音所祿反管子侈靡篇猶疎則數之母使人曲
之素問平人氣象論病脾脉來實而盈數如雞舉
足太玄經昆次五穀不穀失疎數衆釐毀玉崔
駟達旨譬猶衡陽之林岱陰之麓伐尋抱不為之稀
執拱把不為之數秦嘉贈婦詩浮雲起高山悲風
激深谷良馬不迴鞍輕車不轉轂鉞藥可屢進愁思
難為數貞士篤終始思義不可促蘇伯玉妻詩見
上考工記梓人數目願脰數劉音促孟子數罟
不入洿池數音促
上聲則色主反
去聲則色句反考工記輪入施筋必數數音色角
反李色佳反禮記王制註六者各以其服數來朝

數色角反又所具反莊子彼其於世未數數然也
數音朔徐所祿反一音桑縷反簡文音所喻反田

子方侍坐於魏文侯數稱谿工數雙角反又所主反
又見一屋部速字下今此字三收於九虞十遇
四覺部中

斲

竹角切

古音啄漢淮南王安屏風賦天啟我心遭遇徵祿
中郎繕理收拾捐朴大匠攻之刻雕削斲表雖剝裂
心實貞慤等化器類庇蔭尊屋列在左右近君頭足
賴蒙成濟其思弘篤何恩施遇分好沾渥不逢仁人

永為枯木上聲則竹古反漢揚雄解難是故鍾期死伯牙絕

絃破琴而不肯與衆鼓獲人亡則匠石較斤而不敢
妄斲

去聲則竹故反 呂氏春秋貴公篇大匠不斲大庖
不豆大勇不闢大兵不冠 淮南子主術訓夫騰蛇
游霧而動應龍乘雲而舉獲得木而捷魚得水而驚
故古之為車也漆者不畫鑿者不斲 說林訓大匠
不斲大豆不具大勇不闢 王褒四子講德論見去
聲射字下 魏何晏景福殿賦離背別趣駢田胥附
縱橫踰延各有攸注公輸荒其規矩匠石不知其所
斲 按闢字從斲得聲故呂氏春秋淮南子竝以韻

琢

古音同上 詩正月十三章訖訖彼有屋蔭蔭方有
穀民今之無祿天天是極哿矣富人哀此甿獨

琢

孀

古音同上 韓非子主道篇故曰君無見其所欲君見其所欲臣將自雕琢 魏陳琳神武賦爾乃總輯環珍茵氈幕幄環璫帶佩不飾雕琢華璫玉瑤金麟牙琢文貝紫瑛縹碧玄綠

古音同上 今此字兩收於三燭四覺部中

斲

古音同上 說文斲从支蜀聲

剝 北角切

古音卜 魏劉楨魯都賦毛羣隕殪羽族殲剝填崎塞畎不可勝錄 晉潘岳馬汧督誅別子雙龜貫以

三木功存汧城身死汧獄凡爾同圍心馬摧剥扶老
攜幼巷號街哭說文剥从刀录聲

撲

蒲角切

古音僕 註云亦作撲說文撲从手業聲 今撲字
在一屋部

璞

匹角切

古音普木反 魏嵇康卜疑若先生者文明在中見
素表璞內不愧心外不負俗交不為利仕不謀祿鑒
乎古今滌情蕩欲 晉司馬彪贈山濤詩感彼孔聖
歎哀此年命促卞和潛幽冥誰能證奇璞冀願神龍
來揚光以見燭 陸雲吳丞相陸公誄獻鑒擢微立
輝鏡璞戒危膏梁妝俊白屋 盧湛贈劉琨詩妙哉
蔓葛得託樛木榮不雲布華不星燭承卞和質非
荆璞眷同尤良用乏驥騄 張協把刀銘奕奕名金

堞

昆吾遺璞裁為把刀利亞切玉時文斯偃含精內燭
威助雖化武不可黷北齊魏收枕中篇逮於厥德
不常喪其金璞馳騫人世鼓動流俗挾湯日而謂寒
包溪壑而未足源不清而流濁表不端而影曲周
王褒上庸公陸騰碑見上亦作朴史記范睢傳臣
聞周有砥礪宋有結綠梁有縣黎楚有和朴

櫟

古音同上 說文堞从土業聲 今此字兩收於一
屋四覺部中

古音同上 老子敦兮其若櫟曠兮其若谷渾兮其
若濁此三者以為文不足故今有所屬見素抱樸
少私寡欲知其榮守其辱為天下谷為天下常
德乃足復歸於樸化而欲作吾將鎮之以無名之

樸無名之樸亦將不欲我無欲而民自樸莊子
馬蹄篇同乎無欲是謂素樸呂氏春秋士容篇故
君子之容純乎其若鍾山之玉枯乎其若陵上之木
淳淳乎慎謹畏化而不肯自足乾乾乎取舍不悅而
心甚素樸戰國策君子曰觸知足矣歸真反樸則
終身不辱文子下德篇淡然無欲而民自樸鵠
冠子泰鴻篇幼少隨足以從師俗母易天生母散天
樸自若則清動之則濁說苑談叢篇上清而無欲
則下正而民樸漢書禮樂志見上張衡東京賦
見下馬融長笛賦運衰澤安岡連嶺屬林蕭蔓荆
森慘柞樸李尤彈銘見上魏陳思王武帝誅敦
儉尚古不玩珠玉以身先下民以純樸王粲七釋
潛虛丈人達世遁俗恬淡清玄渾沌樸薄禮愚學
無為無欲均同死生混齊榮辱晉左思吳都賦賴
丹明璣金華銀樸紫貝流黃縹碧素玉虞播阮籍
銘見上抱朴子見上梁江淹錄賦非銀非珠無

藻無緡心不貴麗器窮於樸

通作朴老子見下

漢淮南王安屏風賦見上

張衡髑髏賦與陰陽

同其流與元氣合其朴以造化為父母以天地為牀

蓐以雷電為鼓扇以日月為鐙燭以雲漢為川池以

星宿為珠玉合體自然無情無欲澄之不清混之不

濁不行而至不疾而速魏陳琳馬腦勒賦太上玄

華尚素樸兮所貴在人匪金玉兮卞蘭許昌宮賦

樂戲闕游觀足登承光坐華帳論稽古反流俗退虛

偽進敦朴寶賢良賤珠玉豈必世而後仁在時主之

所欲後魏李騫釋情賦承周任之有言攬老子之

知足奉炯誠以周旋抱徽猷而與屬每有偃於唯塵

恒興言於寵辱思散髮以抽簪願全真而守朴說

文樸从木業聲淮南子精神訓明白太素無為復

去聲則普故反

樸今此字三收於一屋四覺部中

朴

古音同上 說文朴从木卜聲
去聲則普故反 漢司馬相如上林賦於是乎盧橘
夏熟黃甘橙棗杞檣柿檉柰厚朴

殼 苦角切

古音苦 谷反 漢仲長統述志詩見上 魏陳思王
神龜賦天道昧而未分神明幽而難燭黃氏沒於空
澤松喬化於株木蛇折鱗於平泉龍蛻骨於深谷亮
物類之遷化疑斯靈之解殼

去聲則音庫 晉張協七命商山之果漢皋之棗析
龍眼之房剖椰子之殼芳音萬選承意代奏 說文
殼殼殼皆以殼得聲殼下云讀若構

殼

古音斛 管子地員篇淖而不朋剛而不殼不濇車輪不汙手足 今此字兩收於一屋四覺部中

慤

古音同上 荀子修身篇饒樂之事則佞兌而不曲辟違而不慤程役而不錄非十二子篇利心無足而佯無欲者也行偽險穢而彊高言謹慤者也淮南王安屏風賦見上 列女傳趙悼倡后頌趙悼倡后貪叨無足隳廢后適執詐不慤淫亂春平窮意所欲 張衡東京賦遵節儉尚素樸思仲尼之克已履老氏之常足將使心不亂其所在目不見其可欲賤犀象簡珠玉藏金於山抵璧於谷翡翠不裂璆瑁不簇所貴惟賢所寶惟穀民去末而反本咸懷忠而抱慤 風俗通項者慤也

塽

古音同上 後漢書西南夷傳遠夷懷德歌荒服之外土地境塽食肉衣皮不見鹽穀 抱朴子守塽篇余今讓天下之豐沃處茲邦之褊塽舍安昌之膏腴取北郭之無欲誠萬物之可細亦何往而不足哉 釋名穀塽也體堅塽也

濁

直角切

古音直谷反 詩四月五章相彼泉水載清載濁我日構禍曷云能穀 孟子孺子歌滄浪之水濁兮可以濯我足 楚辭漁父同 老子見上 戰國策蘇秦說秦惠王書策稠濁百姓不足 漢枚乘七發掄棄恬怠輸寫澶濁分決狐疑發皇耳目 史記魏其武安侯傳潁水清灌氏寧潁水濁灌氏族 春秋繁

露其官人上士高清明而下重濁若身之貴目而賤足也淮南子說山訓以清入濁必困辱以濁入清

必覆傾文子同說林訓使景曲者形也使響濁者聲也鵠冠子見上劉向九歎撥諛諛而匡邪

兮切渙忍之流俗盪濃淒之姦咎兮夷蠢蠢之濁濁揚雄蜀都賦襲明衣表玄穀儷吉日異清濁

炎見志詩見上張衡駟騷賦見上獨鹿舞歌獨鹿獨鹿水深泥濁魏陳思王巢父贊池主是讓以

水為濁嗟此三士清足厲俗嵇康散騎常侍阮籍碑文見上晉輦無歌明君篇邪臣多端變用心何

委曲便辟從情指動隨君所欲偷安樂目前不問清與濁積偽罔時主養交以持祿言行恆相違難饜甚

谿谷昧死射乾沒覺露則滅族張協雜詩秋夜涼風起清氣蕩暄濁蜻蛚吟階下飛蛾拂明燭陸雲

九慙將矯翼而塗險思振清而世濁羌釋筴而評子諒不疑其何卜裴頠女史箴爾形信直影亦不曲

爾聲信清響亦不濁
琉璃賦剛堅金石勁厲
虞播阮籍銘見上
玉晉書載記秦趙整琴歌昔聞盟津河千里作一
曲此水本自清是誰攬令濁
宋謝靈運山居賦山
川澗石洲岸草木既標異於前經亦列同於後牘山
匪礪而是岵川有清而無濁
石傍林而插巖泉協澗
而下谷何尚之華林清暑殿賦卻倚危石前臨濬
谷終始蕭森激清引濁湧泉灌於階
曲齊王中頭陀寺碑文見上
王融和南海王詠
秋胡妻詩披帷惕有忘出門遲所欲彼美後來儀慙
顏變欣矚蘭艾隔芳臭涇渭分清濁去去夫人于請
殉川之曲
陳張君祖詠懷詩運形不標異澄懷恬
無欲座可栖
王侯門可迴金轂風來詠愈清
鱗萃淵
不濁斯乃玄中子所以矯逸足
史記律書濁者觸
也言萬物皆觸死也
白虎通漬者濁也
釋名濁

漬也汁滓漬漬也 說文濁从水蜀聲

鐺

古音蜀 說文鐺从金蜀聲 今此字三收於三燭

渥 於角切

古音屋 易鼎九四鼎折足覆公餗其形渥 詩信
南山二章益之以霖霖既優既渥既霑既足生我百
穀 漢淮南王安屏風賦見上 易林臨之明夷春
多膏澤夏潤優渥稼穡成熟畝獲百斛 蔡邕濟北
相崔君夫人誄於赫崔君膺茲祉祿夫人有膺翼此
清淑仁風溫潤義惠優渥推恩中外施泱泱族後
漢鄧陽令曹全碑辭鄉明治惠沾渥吏樂政民給足
君高升極鼎足 魏陳思王魏德論於穆聖王仁暢

惠渥辭獻減膳以服鰥獨和氣致祥時雨滲漉野草
萌變化成嘉穀平陽懿公主誅見上嵇康琴賦
見上晉傅玄宴會詩日之既逝情亦既渥賓委餘
歡主客不足樂飲今夕溫其如玉陸機漢高帝功
臣頌龍興泗濱虎嘯豐谷彤雲畫聚素靈夜哭金精
仍顏朱光以渥萬萬邦宅心駿民效足左思吳都賦
剖判庶士商榷萬國有鬱鞅而顯敞邦有湫阨而
踈踳伊茲都之函弘傾神州而韞積仰南斗以斟酌
兼二儀之優渥潘岳寡婦賦伊女子之有行兮爰
奉嬪於高族承慶雲之光覆兮荷君子之惠渥顧葛
藟之蔓延兮託微莖於樛木懼身輕而施重兮若履
冰而臨谷鈕滔母孫氏悼艱賦伊三從而有歸爰
奉嬪於他族仰慈姑之惠和荷仁澤之陶渥宋鮑
照芙蓉賦若乃當融風之暄盪承暑雨之平渥被瑤
塘之周流繞金渠之屈曲排積霧而揚芳鏡洞泉而
含綠謝惠連祭古冢文射聲垂仁廣漢流渥祠骸

府阿掩牖城曲仰羨古風為君改卜輪移北隍窈窕
東麓說文涯从水屋聲

握

古音同上晉陸雲逸民賦彼貪夫之死權兮固遺
生而要祿疎戰兢而履冰兮祇肅懷以臨谷亮據鼎
之無慄兮在顛沛之必握梁任昉荅陸倕賦時坐
睡而梁懸裁枝梧而錐握既文過而意深又理勝而
辭縟易萃初六一握為笑鄭玄傳握當讀為夫三
為屋之屋周禮巾車翟車貝面組總有握劉音屋
說文握从手屋聲儀禮士喪禮握手用玄纁裏劉音
去聲則烏路反烏豆反既夕禮設握裏親膚劉音烏豆反

握

古音同上 說文幄从木屋聲

幄

古音同上 魏陳琳神武賦見上 志詩見上 王逸九思見

下 晉陸機招隱詩朝采南澗藻夕息西山足輕條象雲

構密葉承翠幄結風佇蘭林回芳薄秀木陸雲贈

汲郡太守詩見上 張載七命若乃目厭常玩體倦

帷幄攜公子而雙游時娛觀於林麓登翠阜臨丹谷

華草錦繁飛采星燭陽葉青春陰條秋綠 宋謝惠

連雪賦攜佳人兮披重幄援綺衾兮坐芳褥燎薰爐

兮炳明燭酌桂酒兮揚清曲 梁任昉荅陸倕賦折

高戴於后臺異鄒顏乎董幄采三詩於河間訪九師

於淮曲 沈約桐賦合影陽崖標峰東陸俯結玄陰

仰承翠幄乍髣髴於行雨時徘徊於丹轂遠齊綵於

碧林豈慙光於若木 釋名幄屋也以帛衣服施之
形如屋也

幄

古音同上 說文幄从人屋聲

喔

古音同上 漢王逸九思哀世兮睠睠說說兮嗟喔
衆多兮阿媚 馮靡兮成俗貪枉兮黨比貞良兮
鵠竄兮枳棘 鵠集兮帷喔 說文喔从口屋聲

黠

古音同上 今此字兩收於一屋四覺部中

确 胡覺切

古音胡谷反 晉左思吳都賦由此而揆之西蜀之
與東吳小大之相絕也亦猶棘林螢耀而與夫尋木
龍燭也否泰之相背也亦猶帝之懸解而與夫桎梏
疏屬也庸可共世而論巨細同年而議豐确乎 詩
毛氏傳獄确也 釋名獄确也言實确人情偽也

蹠

側角切

古音側祿反
此即下文齷字

今此字兩收於一屋四覺部中 按

娒

古音同上 說文娒从女束聲

齟

古音同上 唐玄宗紀泰山銘見平聲邦字下 亦作齟 史記酈生傳酈生問其將皆握齟好苛禮索隱曰應劭云齟音若促 以上字轉去聲則當入御遇暮韻

齟 齟 齟

唐韻正卷十五

欽定四庫全書

經部
唐韻正卷十六

詳校官鹽察御史_臣施朝幹

洗馬臣王坦修覆勘

總校官編修臣王燕緒

校對官中書_臣

張曾炳

謄錄監生_臣

劉維翰

欽定四庫全書

唐韻正卷十六

崑山顧炎武撰

入聲

五質

質 之 日 切

平聲則音支 太玄經大測大不大以小作基也大其門郊實去名來也包荒以中督九夷也大失小禍由微也奢透自削能自非也豐牆之峭崩不遲也大終以義小為大質也

去聲則音致 魏陳思王魏德論斑斑者鳩爰素其質昔翔殷邦今為魏出朱目丹趾靈姿詭類載飛載

鳴彰我皇懿漢郤正釋譏吾子以高朗之才珪璋
之質兼覽博聞留心道術無遠不致無幽不悉挺身
取命幹茲奧祕躊躇紫闥喉舌是職九考不移有入
無出究古今之真偽計時務之得失宋謝莊舞馬
賦月晷呈祥乾維效氣賦景河房承靈天駟陵原郊
而漸影躍采淵而泳質辭水穴而南徠去輪臺而東
泊乘玉塞而歸寶奄芝庭而獻祕梁江淹擬潘黃
門述哀詩青春速天機素秋馳白日美人歸重泉悽
愴無終畢殯宮已肅清松柏轉蕭瑟俯仰未能弭尋
念非但一撫衿悼寂寞恍然若有失明月入綺窻髣
髴想蕙質銷憂非萱草永懷寄夢寐擬盧郎中感
交詩大厦須異材廊廟非庸器英俊著世功多士濟
斯位眷顧成綢繆乃與時髦匹姻媾久不虧契闊宣
但一逢厄既已同處危非所恤常慕先達概觀古論
得失馬服為趙將疆場得清讖信陵佩魏印秦兵不
敢出慨無幄中策徒慙素絲質羈旅去舊鄉感遇踰

琴瑟自顧非杞梓勉力在無逸更以畏友朋濫吹乖
名實徐勉葦草花賦其葉四垂其附六出亦曰宜
男加名斯吉華而不艷雅而不質隨晦明而舒卷與
風霜而榮悴笑杜蘅與揭車何衆彙之能匹唐太
宗頌先天不違靈物效質丹羽儀韶翠黃承轡甘露
零草祥風應律嘉禾醴泉比焉自出左傳襄三十
年用兩珪質于河質如字又音致昭三年將奉質
幣以無失時質徐音之二反又如字七年寡君將
承質幣而見于蜀質徐音之二反又如字十六年
與蠻子之無質也質之實反或音致傳遜左傳註
解韞誤曰僖公二十三年傳策名委質註以為形質
之質拜而屈膝委之於地非也質即贄字管子令諸
侯之子將委質者皆以雙虎之皮晉語臣委質於翟
之鼓韋昭註質贄也士贄曰雉是凡言委質皆委贄
也愚按孟子出疆必載質庶人不傳質為臣皆是贄
字張詠曰按六書正譌質至也執禮物相見之意

通用摯別作贊非尤為明證
五質部中
今此字兩枚於六至

邳

同上
說文邳从邑至聲

晔

同上
爾雅註郭氏讀晔為至

銍

同上
說文銍从金至聲

桎

同上 晉束皙立居釋且歲不我與時若奔馬有來
無反難得易失先生不知盱豫之誠悔遲而忘夫朋
盜之義務疾亦豈登海湄而抑東流之水臨虞淵而
招西歸之日徒以曲畏為楷儒學自桎因大道於環
堵苦形骸於蓬室 說文桎从木至聲

磳

同上 今此字兩收於六至五質部中

憤

同上 易損象傳君子以懲忿窒欲劉歆鄭玄本俱
作憤云止也孟喜本作恆 今此字兩收於六至五
質部中

蛭

同上 說文蛭从虫至聲

日 人質切

去聲則人至反 易林夬之无妄戴笠獨宿晝不見
日勤勞無妄長勞悲思 魏陳思王七啟麗草交植
殊品詭類綠葉朱榮熙天曜日 晉左思吳都賦於
是樂只衍而歡飫無匱都輦殷而四奧來暨水浮陸
行方舟結駟唱棹轉轂昧旦永日開市朝而普納橫
闌闌而流溢混品物而同塵并都鄙而為一士女佇
眙工商駢生紛衣絺服雜沓澁萃輕輿按轡以經隧
樓船舉颿而過肆果布輻湊而常然致遠流離與珂
珮 魏都賦見術字下 旻旻率土遷善罔匱沐浴
福應宅心醺粹餘糧栖畝而弗收頌聲載路而洋溢

河雒開奧符命用出翩翩黃鳥銜書來訊人謀所尊
鬼謀所秩劉宗委馭其神器窺玉策於金縢索圖
錄於石室考歷數之所在察五德之所莅量寸旬涓
吉日陟中壇即帝位東暫玄居釋見上且世以
太虛為興玄鑑為肆神游莫競之林心存無營之室
榮利不擾其覺殷憂不干其寐捐夸者之所貪收躁
者之所棄雖聖籍之荒蕪總羣言之至一企素履於
丘園背纓綈以長逸請子課吾業於千載無聽吾言
於今日也皇甫謐釋勸論見結字下左貴嬪武
元楊皇后誄乃議景行景行已溢乃考龜筮龜筮襲
吉爰定宅兆克成玄室魂之往矣于以今日仲秋之
晨啟明始出星陳夙駕靈輿結駟涼武昭王述志
賦見下宋謝莊孝武帝哀策文龍旌鬱而青槐遠
驚箴亂而白楊翳觀初霜之變條聽秋風之下蒹橋
山絙雲蔽林虧日輦道結寒松林畫密芝蓋迫軫上
驤脊轡齊王融皇太子哀策文章弁告期麻衣請

日辨域展圖揚龜獻吉文物充階具僚在位總筭挽
之哀淒視風煙之騷瑟和何徵君點詩疎酌候冬
序間琴改秋律如何將暮天復值西歸日搖落迎軒
牖飛鳴亂繩華煙灌共深陰風篴兩蕭瑟虛堂無笑
語懷君首如疾早輕江北山賦晚愛東皋逸上德可潤
身下澤有徐轡梁江淹齊太祖高皇帝誄見下
擬潘黃門詩見上後魏陽固疾嬖幸詩嗟爾中下
其親其昵不謂其非不覺其失好之有年寵之有日
我思古人心焉若疾趙古則六書本義是从正日
聲

實神質切

去聲則神至反易林謙之小過梅李冬實國多盜
賊擾亂竝作王不得制漢杜篤論都賦濱據南山
帶以涇渭號曰陸海蠡生萬類梗枏檀柘蔬果成實
吠瀆潤淤水泉灌溉漸澤成川粳稻陶遂魏陳思

王大司馬曹休誅於穆公侯魏之宗室明德繼踵奕
世純粹開弘汎愛仁以接物藝以為華體茲亮實
晉皇甫謐釋勸論見結字下梁江淹詩見上禮
記雜記上吾子之外私寡大夫某不祿使某實註實
當為至此讀周秦之人聲之誤也

秩直一切

去聲則直至反漢張衡東京賦見結字下魏陳
思王禹贊見下何晏景福殿賦見衍字下晉左
思魏都賦見上後魏張淵觀象賦右則少微軒轅
皇后之位嬪御相次尊卑有秩御宮典儀女史執筆
內平秉禮以伺邪天牢禁愆而察失按詩賓之初
筵首章賓之初筵左右秩秩隅二句與下旨偕設逸
為韻

悉 息七切

去聲則息二反 漢卻正釋譏見上

膝

同上 魏潘勗冊魏公九錫文王師首路威風先逝
百城八郡交臂屈膝 梁江淹齊太祖高皇帝誄北
楚倔強曾未屈膝雲屯被野魚麗亘日廟勇既消國
圖方匱神冊天開雄略世出凶鉅鱗沈醜戈羽逸隻
騎不還蹄輪無匹

一 於悉切

去聲則於二反 魏陳思王黃帝三鼎贊鼎質文精
古之神器黃帝是鑄以象太一 何晏景福殿賦見

述字下 黃庭經五行相推反歸一三五合氣九
節可用隱地迴八術伏牛幽闕羅品列三明出於生
死際洞房靈象斗日月父曰泥丸母雌一三光煥照
入子室能存玄真萬事畢一身精神不可失 晉左
思吳都賦草則藿蒟葢蒹葭非一江離之屬海苔
之類 又見上 束皙玄居釋見上 梁江淹詩竝
見上

壹

同上 魏應瑒射賦爾乃結翻倅齊倫匹良樂授
馬孫臆調駟籌算克明班次均壹左攬繁弱右接湛
衛控滿流睇應弦飛碎旂動鼓震課聲雷潰 禮記
中庸壹戎衣而有天下鄭玄註壹當作殪 說文殪
擿殪殪殪殪皆以壹得聲 玉篇有壹字倚秩於既二切今廣韻但收於六至部

七 親吉切

去聲則親髻反 晉董京詩周道數兮頌聲沒夏政
衰兮五常汨便便君子顧望而逝洋洋乎滿目而作
者七

漆

同上 書顧命玄紛純漆仍几漆音七徐邈音七利
反 後漢郡國志蘭陵有次室亭地道記曰故魯次
室邑列女傳有漆室之女或作次室

匹 譬吉切

去聲則音譬 楚辭九章懷沙世既莫吾知兮人心
不可謂兮懷情抱質獨無匹兮 魏應瑒馳射賦見

上 梁江淹齊太祖高皇帝誄見上 擬盧郎中詩
見上 徐勉萱草花賦見上

鷦

平聲則音卑 周禮羅氏註烏謂卑居鵲之屬卑音
匹又如字 今此字兩收於五支五質部中

吉

居質切

去聲則音髻 易小畜象傳復自道其義吉也牽復
在中亦不自失也 夫妻反目不能正室也有孚惕出
上合志也有孚孳如不獨富也 既雨既處德積載也
君子征凶有所疑也 魏陳思王黃帝三鼎贊見下
晉左貴嫺武元楊皇后誄見上 齊王融皇太子
哀策文見上 梁徐勉萱草花賦見上

昵 尼質切

上聲則尼禮反
乙反又乃禮反

書高宗彤日典祀無豐于昵音女

逸夷質切

平聲則夷二反
去聲則夷二反

詩賓之初筵見設字下
漢韋孟諷諫詩我邦既絕厥政斯

逸賞罰之行非由王室庶尹羣后靡扶靡衛五服崩
離宗周以隆晉束皙立居釋見上潘尼火賦衝

風激揚炎光奔逸玄煙四合雲蒸霧萃山陵為之崩
阨川澤為之涌沸去若風驅疾如電逝齊王融詩

見上
詩見上
梁江淹齊太祖高皇帝誄見上
擬廬郎中

溢

去聲則夷二反
會亦以應一歲以溢奇邪以通榮衛榮衛稽留衛散
素問氣穴論孫絡三百六十五穴

榮溢 易林臨之咸決決沸溢水泉為害使我無賴

晉左思吳都賦魏都賦竝見上 左貴嬪武元楊

皇后諱見上 梁王筠昭明太子哀策文軒緯掩精

陰義弛位纏哀在疚殷憂銜恤孺泣無時蔬飧不溢

禪遵踰月哀號未畢 詩維天之命假以溢我徐邈

讀神至反

軼

同上 漢揚雄長楊賦乃命驃衛紛紜沸渭雲合電

發森騰波流機駭螽軼 齊王儉詩見潔字下

跽

丑栗切

去聲則丑利反 今此字兩收於六至五質部中

栗

力質切

平聲則力題反
云犁然猶栗然

莊子犁然有當於人之心司馬彪

慄

去聲則力至反
慄慄清涼增欬

宋玉風賦故其風中人狀直慄慄
說苑談叢篇戰戰慄慄日慎其事

風利

同上 說文颰从風利聲讀若栗
六至五質部中

今此字兩收於

漢司馬相如上林賦瀏莅聶吸徐廣曰莅音栗今廣
韻不收此字

溧

同上亦音賴 金陵志古賴國城在今溧水州界案
實錄吳廢帝亮崩于候官道上晉太康中故少府卿

戴顯上表迎厥歸葬賴卿春秋傳昭公四年楚伐吳
遂以諸侯滅賴楚子欲遷許于賴使鬬韋龜與公子
棄疾城之而還東國水不可以城彭生罷賴之師豈
非即晉之賴卿今之溧水乎故勝公廟記謂楚靈王
與吳戰吳軍不利遂陷濶渚伍子胥投金處正名濶
水戰國策范環對楚懷王亦言楚乘越亂南察濶湖
而野江東合前後觀之賴之為溧水甚明吳音訛濶
為溧自漢以來遂名溧水按古賴屬同音春秋昭四
年遂滅賴公羊穀梁二傳竝作厲

鷓鴣

平聲則音黎爾雅釋鳥鳥少美長醜為鷓鴣詩流
離之子傳曰流離鳥也少好長醜是毛公已讀離為
黎也

窒 陟栗切

去聲則音至 詩東山三章鸛鳴于垤婦歎于室洒掃穹窒我征聿至 呂氏春秋九月紀季秋行夏令

則其國大水冬臧缺敗民多飢窒今禮記月令作噉易訟彖辭有孚窒馬融本作啞云讀為躓猶止也

鄭玄云啞覺悔貌 說文窒从穴至聲 按東山詩垤窒窒至在古通為一音自韻書興而垤入十六屑室窒入五質至入六至去入之判遂迴乎不相涉矣

座

同上 說文座从广至聲 今關中人讀盤座為周

拵

同上淮南子兵略訓夫五指之更彈不若捲手之一握萬人之更進不如百人之俱至也說文握手从手至聲

齧

同上說文齧从齒至聲

疾秦悉切

平聲則音齊春秋哀十一年衛世叔齊出奔宋左傳作大叔疾

去聲則秦二反詩抑首章庶人之愚亦職維疾哲人之愚亦維斯戾漢司馬相如上林賦見下易林无妄之小畜齧鰕鰕去海游于枯里街巷迫狹不得自在南北四極渴餒成疾睽之中孚王母盲痺偏

枯心疾亂我家次太玄經減次七減其疾損其不
厲不至漢仲長統詩春雲為馬秋風為駟按之不
遲勞之不疾魏陳思王卞太后誄詳惟聖善岐嶷
秀出德配姜嫄不忝先哲玄覽萬機兼材備藝汎納
容衆含垢藏疾仰奉諸姑降接儔列陰處陽潛外明
內察晉束皙玄居釋見上孫楚茱萸賦鶉火西
徂白藏授節零露既凝鷹隼飄厲攀紫房於纖柯綴
朱實之酷烈應神農之本艸療生民之疹疾齊王
融詩見上後魏陽固詩見上

嫉

失

去聲同上晉郭璞山海經類贊類之為獸體一兼
二近取諸身用不假器窈窕是佩不知妬嫉
式質切

平聲則音尸 白虎通尸之為言失也
去聲則音試 易小畜象傳見上 漢王褒洞簫賦

故貪饗者聽之而廉隅兮狠戾者聞之而不懟剛毅
彊疏反仁恩兮嘽嘽逸豫戒其失鍾期牙曠悵然而

愕立兮杞梁之妻不能為其氣師襄嚴春不敢竄其
巧兮浸淫叔子遠其類 說苑談叢篇有鄙心者不

可授便勢有愚質者不可授利器多易多敗多言多
失 太玄經災測災其軀體不可肆也災哇不噉時

數失也 夷測載幽執夷易其內也陰夷冒罔疏不
失也 閼測園方杙杙內相失也無間之閼一其二

也 卻正釋譏見上 狹屈氏之常醒濁漁父之必
醉 溷柳李之卑辱褊夷叔之高慙合不以得違不以

失 得不充詘失不慘悖不樂前以顧軒不就後以慮
輕不粥譽以干澤不辭愆以忌絀何青之釋何煇之

卹 魏阮籍通易論聚以處 晉束皙玄居釋見上
緩以為失 黃庭經見上

室

應貞從武帝華林園宴詩文武之道厭猷未墜在昔
先王射御茲器示武懼荒過亦為失凡厭羣后無懈
于位杜恕體論引諺使口如鼻至老不失梁江淹詩竝見上
後魏張淵觀象賦見上陽固詩見上
上張弼曰說文失从手乙聲自變楷隸形聲杳然
今北方讀乙作平去故失音亦隨之轉也

去聲同上詩東山見上易小畜象傳見上靈
樞經見極字下漢韋孟諷諫詩見上易林大壯
之豐遭離滿沸河川決潰幸得無恙復生歸室詩
汎歷樞昌受符厲倡嬖期之十世權在室王逸琴
思楚歌歲月已盡去奄忽亡官失祿去家室思想君
命幸復位久處無成卒放棄中常侍樊君碑文世
政促峻邑宰寡識慢賢役德被以勞事然後慷慨官
于王室魏陳思王大司馬曹休誄見上黃庭經

見上 晉左思蜀都賦外則軌躅八達里閤對出比
屋連甍千廡萬室亦有甲第當衢向街壇宇顯敞高
門納駟庭扣鐘磬堂撫琴瑟匪葛匪姜疇能是恤
魏都賦見術字下 又見上 其軍容弗犯信其果
穀糾華綏我以戴公室元勳配管敬之績歌鐘析邦
君之肆 束皙玄居釋見上 左貴嬪武元楊皇后
誄見上 說文室从宀至聲

聖 資悉切

平聲則音資 說文聖古文塗从土卽聲 按卽字
本當在此部中 易鼎九二與實疾韻詩東門之墀與
栗室韻東方之日與日室韻篤公劉與密韻今廣韻
收入二十四職部稍遠

謚 彌畢切

去聲則彌祕反 梁江淹齊太祖高皇帝誅複林油
雲重山減日御房清淒神路冥謚昭徒肅肅幽祗竦
蹕攀光灑慟臨泉樹泗環座長嚴雕宮永閤寂帳寂
兮寂已遠夜鉦夜兮夜何遽 擬盧郎中詩見上
釋名寐謚也靜謚無聲也

必 卑吉切

去聲則音閉 元周伯琦曰以弓槩也象形弓弛則
槩而正之詩竹閉緄滕注云閉弓槩也儀禮作韍緄
繩也蓋以竹為閉而以繩約之於弛弓之裏槩弓體
使正也考工記曰天子圭中必注謂組約其中也為
執之以備失墜猶弓之有必也可證詩注後人既借
為固必之必又加韋以別之非古義矣大抵古人制
字多自事物始後之修辭者每借實字為虛字用以
達其意此其一也 莊子人籟則比竹是已李軌讀

比爲扶必反 說文閔祕秘皆以必得聲

畢

同上 漢班固東都賦登降飫宴之禮既畢因相與
嗟歎玄德讜言弘說咸含和而吐氣頌曰盛哉乎斯

世 魏陳思王禹贊舜將崩殂告天禪位虞氏既沒
三年禮畢避隱商山示不敢莅諸侯向已乃奉天秩

江淹詩見上 黃庭經見上 梁王筠昭明太子哀策文見上

輦

同上 齊王融詩見上

輶

同上 呂氏春秋樂成篇麋裘而韞投之無戾 釋名韞蔽也所以蔽膝前也

蹕

同上 晉左思吳都賦於是弭節頓轡齊鑣駐蹕徘徊倘佯寓目幽蔚 潘岳籍田賦於是前驅魚麗屬車鱗萃閭闔洞啟參塗方馬常伯障乘太僕執轡后妃獻種稂之種司農撰播殖之器挈壺掌升降之節宮正設門閭之蹕 梁江淹齊太祖高皇帝誄見上 周禮宮正凡邦之事蹕徐邈讀毗至反 亦作蹕 避禮大司寇凡邦之大事使其屬趣註云故書趣作也 杜子春云避當為辟謂辟除姦人也玄謂蹕止行也

擣

去聲則音背 說文瘡从肉瘡聲 瘡古文詩字 亦作簞杜氏通典簞栗本名悲栗 張韶曰俗省譌作瘡从咸非

邲 毗必切

上聲則毗 鄙反 韓詩有斐君子作有邲 今此字兩收於六至五質部中

比

平聲則音毗 上聲則音妣

去聲則音鼻 禮記投壺比投不釋比毗志反徐音扶質反 史記田敬仲完世家田乞及常所以比犯二君索隱曰比如字又頗律反 按詩良耜其崇如墉其比如櫛崇與墉為韻比與櫛為韻後人用比作

入聲祖此 今此字四收於六脂五旨六至五質部

秘

去聲則音秘 考工記戈秘六尺有六寸秘音秘
左傳昭十二年君王命剝圭以為鉞秘秘音秘 今
此字二收於六至五質部中

望

去聲則毗二反 晉左思吳都賦見上 今此字兩
收於六至五質部中

泌

去聲則音泌 今此字三收於六至五質部中
玉篇有泌字引釋名曰推手前曰泌引手卻曰把即

琵琶字今廣韻未收

汨于筆切

去聲則于至反漢司馬相如上林賦沸乎暴怒洶
涌湧澎湃潭沸密汨偪側泌澌橫流逆折轉騰激洌湧
淝沆漑穹隆雲橈宛潭膠盭踰波趨汜涖涖下瀨批
巖衝擁奔揚滯沛臨坻注壑灤灤霄隆沈沈隱隱砰
礚訇礚滴滴漚漚拾漊鼎沸馳波跳沫汨潏漂疾

率
所律切

去聲則所類反
率師錫有帝命虞作尉尉駟太尉箴天官冢宰庶寮之
率其屬率所類反又音律
左傳文十五年註華孫能
鈐率率所律反徐音所類反
昭十年使王黑以靈姑
詩賓之初筵箋所以

敗亂天下率如此也率音類又所律反召旻箋米
之率糲十稗九鑿八侍御七率音類又音律又所律
反周禮太宰註口率出泉徐劉音類戚音律一音
所律反大司徒註其率之也載師註以十八分之十
三率之遂人註以下劑為率大宗伯註率五年而再
殷祭巾車註率以功德出封職方氏註以此率徧知
四海九州邦國多少之數考工記輶人註輪輶與軫
輶大小之減率寸半也梓人註是取象率焉匠人註
徹者通其率以什一為正並音律又音類禮記王
制註通三十年之率率音律又音類以一大國為
率率音律又音類月令註夏小正曰農率均田率
音所類反喪大記註以差率而上之率音律又音
類祭義古之獻繭者其率用此與率音類又音律
又所律反易略例率相比而無應率音類莊子
治亂之率也率音色類反又色律反史記封禪書
後率二十歲復朔旦冬至正義曰率音律又音類又

所律反三音竝通後皆倣此
漢書申屠嘉傳遷為
隊率師古曰率所類反
今此字兩收於六至五質
部中

帥

同上 今此字兩收於六至五質部中

密

美畢切

去聲則美祕反 呂氏春秋君守篇既局而又閉天
之用密有准不以平有繩不以正天之大靜 宋謝
莊孝武帝哀策文見上 梁江淹齊太祖高皇帝誄
宋主凌遐紫殿過密話言之詔貽在英粹寅亮大寶
數綸妙祕世識機鑒物宗淵懿無負匪鍊靡與不洎
三階既馴五精惟至 彭蠡九江地盡襟製亦有劉範

衣纓是絕躍馬山岫泛舟河渚編鐫星流紅旗電結
鵝翼競扇對牙爭礪禍纏紫禁兵交丹衛瑤祀若旂
金帛如綴

弼 房密切

去聲則房媚反 易林蒙之坤左輔右弼金玉滿置
涼武昭王述志賦赴赴干城翼翼上弼志載奔鯨
截彼醜類且灑游塵於當陽拯涼德於已墜間昌寓
之駭乘暨襄城而按轡知去害之在茲體牧童之所
述審幾動之至微思遺殮而忘寐表略韻於統素託
精誠於白日 書弼成五服說文引作弼成五服从
卩比聲

乙 於筆切

去聲則於二反 魏陳思王黃帝三鼎贊鼎質之精
古之神麗黃帝是鑄以像太乙能輕能重知凶識吉
世哀則隱世和則出 晉左思魏都賦見術字下

𩚑

魚乙切

上聲則吐狠反 今此字四收於十四賄五質十四

筆

黠部中
鄙密切

去聲則鄙二反 後魏張淵觀象賦見上

暨

居乙切

去聲則音既 周禮閭胥既比故書既作暨音其器
反又斤乙反 說文暨从旦既聲 今此字四收於

六至八未五質九迄部中
此韻轉去聲則入寘至志韻

六術

術

食聿切

去聲則音遂 禮記月令審端徑術註術周禮作遂
夫間有遂遂上有徑徑小溝也 學記術有序註術
當為遂聲之誤也 水經注引學記術有序作遂有
序 春秋文十二年秦伯使術來聘公羊傳漢書五
行志竝作遂 管子度地篇故百家為里里十為術
術十為州術音遂 韓非子愛臣篇夫燕宋之所以
試其君者皆以類也故上比之殷周中比之燕宋莫
不從此術也 素問疏五過論見式字下 公羊成
八年傳註孔子曰皇象元邁遙術無文字德明謚
漢馮衍顯志賦見髴字下 邵正釋譌見質字下

魏何晏景福殿賦屯方列署三十有二星居宿陳
綺錯鱗比辛壬癸甲為之名秩房室齊均堂庭如
一出此入彼欲反忘術李善註廣雅曰術道也
黃庭經見一字下晉左思蜀都賦見室字下
胡三省註通鑑袁術據術字公路當讀如月令審
端徑術之術然古人術遂二音通用後漢馮衍顯
志賦捷六枳而為籬兮築蕙若而為室播蘭茝於
中庭兮列杜蘅於外術晉左思魏都賦於後則椒
鶴文石永巷閫術楸梓木蘭次舍甲乙西南其戶
咸之匪日丹青炳煥特有溫室呂延濟註閫術謂
宮門道也

述

同上 魏陳思王酒賦安沈酒而為娛非往聖之
所述 關酒誥之明戒同无凶於三季 涼武昭王

述志賦見弼字下 史記魯世家東門遂索隱曰
世本作述 詩定之方中音義引鄭志問曰山川
能說何謂也 答曰兩讀或言說說者說其形勢也
或曰述述者述其故事也 述讀如遂事不諫之遂

諱

慈邨切

去聲則音粹 今此字三收於六至十八隊六術

滴

餘律切

去聲則音曳 晉木華海賦昔在帝塢巨唐之世
天網浮滴為涓為漈洪濤瀾汗萬里無際長波浩
漈迤延八裔

卒

子律切

去聲則音倅 漢枚乘七發見碑字下 魏文帝倉
舒誅矧爾夙天十三而卒何辜于天景命不遂兼悲
增傷佗條失氣 晉左思吳都賦雕題之士鏤身之
卒比飾虬龍蛟螭與對簡其萃質則飢費錦續料其
虺勇則鵬悍狼戾 陳第曰周禮諸子掌國子之倅
註故書倅為卒鄭司農云卒讀如物有副倅之倅音
七內反 禮記燕義庶子官職諸侯卿大夫士之庶
子之卒國子存游卒竝音倅七對反又倉忽反 說
文醉卒也各卒其度量不至於亂也又萃粹悴碎
倅竝以卒得聲

倅

同上 今此字三收於十八隊六術部中

邨

辛聿切

去聲則辛二反 太玄經減次七見疾字下 漢邵
正釋譏見失字下

恆

平聲則息茲反 詩小雅杖杜四章期逝不至而多
為恆按此章來疾至恆偕近邇同為一韻 釋名私

恆也有所恆念也

去聲同上 太玄經密次六大惡之比或益之恆

晉左思蜀都賦見室字下 梁王筠昭明太子哀策
文見溢字下 江淹詩見質字下

玳

去聲同上 晉左思吳都賦見日字下

鷄

同上 說文鵜从鳥崇聲

律 呂邨切

上聲則音壘 淮南子說林訓異音者不可聽以一律異形者不可合於一體 釋名律累也累人心使不得放肆也 路史山海經云神荼鬱壘二神人主執惡鬼風俗通作鬱律故集韻中壘音為律

去聲則音類 易林益之豐好戰亡國師不以律稱上隕墜齊侯狼戾被其災崇 漢揚雄解嘲呂刑靡敵秦法酷烈聖漢權制而蕭何造律 張衡七辯輦鼓協吹芋籟應律金石合奏妖冶邀會觀者交目衣解忘帶 晉成公綏天地賦三才殊性五行異位千變萬化繁育庶類授之以形稟之以氣色表文采聲有音律覆載無方流形品物 齊王融詩見日字下唐太宗頌見質字下 本草胡桐淚亦名胡桐律

漢書西域傳註師古曰胡桐侶桐蟲食其樹而沫出
下流者俗名為胡桐淚言侶眼淚也可以汗金銀今
工匠皆用之流俗語訛呼淚為律

睥

同上 註云又作睥今睥字兩收於六至六術部中

黜

丑律切

去聲則丑吏反 抱朴子博喻篇商風宵肅則絺扇
廢登危陟峻則輕舟棄干戈雲擾則文儒遐巷亂旣
平則武夫黜 亦作絀漢卻正釋譏見失字下

怵

同上 史記漢興以來諸侯年表恍耶臣計謀索隱
曰恍音誓

出 赤律切

平聲則赤知反 穆天子傳西王母謠白雲在天丘
陵自出道里悠遠山川間之將子無以尚能復來
去聲則赤至反 詩雨無正五章哀哉不能言匪舌
是出維躬是瘁 楚辭九章思美人解篇薄與雜菜
兮備以為交佩佩續紛以繚轉兮遂萎絕而離異吾
且儻徊以娛憂兮觀南人之變態竊快在其中心兮
揚厥憑而不墜芳與澤其雜糅兮羌芳華自中出
素問氣穴論然余願聞夫子溢志盡言其處令解其
意請藏之金匱不敢復出 靈樞經終始篇男內女
外堅拒勿出謹守勿內是謂得氣 易林訟之大畜
見脫字下 夬之中孚淵泉溢出為邑之崇 漸之
旅見節字下 漢王逸荔枝賦仰歎麗表俯嘗嘉味

口含甘液心受芳氣兼五滋而無常王不知百和之
所出卓絕類而無儔超衆果而獨貴 卻正釋譏見

質字下

魏陳

思王

魏德

論見

質字下

黃帝

三鼎

贊見乙字下

卞太后

誄見

疾字下

晉左思

蜀都

賦見室字下

魏都

賦見

日字下

左貴

嬪武

元楊

皇后誄見

日字下

梁江淹

齊太

祖高

皇帝

誄見

膝

字下

擬盧郎

中詩見

質字下

徐勉

萱草

花賦見

質字下

唐太宗

頌見

質字下

易離

六五

出涕

沲

若徐邈

音尺遂反

王嗣宗

音勅類反

鼎初

六利

出

音

否徐音

尺遂反

繫辭傳

河出

圖洛

出書

陸德

明音

義如字

又尺遂反

書堯典

寅賓

出日

出音

尺遂反

遂反

又如字

益稷在

治忽以

出納

五言

出如

字又

尺遂

反

微子我

其發出

狂出

音尺遂反

顧命

出綴

衣

于庭出

如字

徐音尺遂反

詩我出

我車

出如

字沈

音

音尺遂反

潛焉出

涕出

如字

徐音尺遂反

俾出

音

童殺出

如字

徐音尺遂反

出話

不然

出如

字徐

音

尺遂反

禮記

檀弓

遇於

一哀而

出涕

出如字

徐音

尺遂反

杜氏

春秋左

傳集

解序

河不

出圖

出如字

又尺遂反

襄九

年使

皇郛

命校

正出

馬工

正出

出如字

徐音

尺遂反

或食

於心

或食

於味

以出

火出如字

徐音

尺遂反

十年

耶人

紇扶

之以

出門

者出如字

一音

尺遂反

論語

出納

之各

出音

尺遂

反今此

字兩

收於

六至

六術

部中

此韻轉

去聲

則入

寘至

志韻

七櫛

櫛

阻瑟切

去聲則阻四反

櫛

同上 漢司馬相如上林賦見汨字下

瑟

所櫛切

去聲則所志反 易林小畜之旅陽火不憂二耕喜
至慶來降福為我鼓瑟 漢禰衡鸛鵒賦若乃少昊
司辰蓐收整繆嚴霜初降涼風蕭瑟長吟遠慕哀鳴
感類音聲悽以激揚容貌慘以顛顛聞之者悲傷見
之者隕淚故臣為之屢歎棄妻為之獻歎 晉左思
蜀都賦見室字下 齊王融皇太子哀策文及詩見
日字下 梁江淹詩竝見質字下
此韻轉去聲則入寘至志韻

按此三韻自古迄齊梁皆與去聲通用自四聲之譜
作而此三韻遂與去聲相隔然質率術出等字猶兩
見於去入二聲可以知其通矣 又按魏文帝善哉
行朝日樂相樂酣飲不知醉悲弦激新聲長笛吐清

氣弦歌感人腸四坐皆懽悅寥寥高堂上涼風入我
室持滿如不盈有德者能卒君子多苦心所愁不但
一慊慊下白屋吐握不可失衆賓飽滿歸主人苦不
悉比翼翔雲漢羅者安所羈冲靜得自然榮華何足
為此詩分為五解每解四句然寔是一篇其音有平
去入實一韻也此亦古人四聲同用一貫之證但羈
為二字與古音不合

八物

物
文弗切

去聲則符涕反 易說卦傳故水火相逮雷風不相
悖山澤通氣然後能變化既成萬物也 淮南子齊
俗訓故聖人財制物也猶工匠之斲削鑿枘也宰庖
之切割分別也 太玄經玄枵人人物物各由厥景

漢馬融長笛賦是故可以通靈感物寫神喻意致
誠效志率作興事溉盥汙穢潔雪垢滓矣魏陳
思王大司馬曹休誅見實字下阮籍東平賦及至
分之國邑樹之表物四時儀其象陰陽揚其氣晉
成公綏天地賦見律字下嘯賦是故聲不假器用
不借物近取諸身役心御氣華陽國志見傑字下
抱朴子博喻篇明澮之流不能運大白之般升合
之器不能容千鍾之物熠燿不能竝表微之景常才
不能別逸倫之器梁江淹悼室人詩適見葉蕭條
已復花菴鬱悵裏春風盪簷前還燕拂坐涕視去景
摧心向徂物今悲輒流涕昔嶽常飄忽幽情一不弭
守歎誰能慰
又費字禮記中庸君子之道費而隱一音扶弗反失
收

弗

分勿切

去聲則音沸 史記十二諸侯年表晉穆侯弗生世家作費生素隱曰或作潰生 鄭世家悼公潰鄆本一作弗一作沸左傳作費 說文沸費皆以弗得聲

紱

同上 漢張衡西京賦陰戒期門微行要屈降尊就卑懷璽藏紱便旋閭閭周觀郊遂若神龍之變化彰后皇之為貴 蔡邕胡黃二公頌天生蒸人有則有類我胡我黃鍾厥純懿巍巍特進仍踐其位赫赫三事七佩其紱奕奕四牡沃若六轡袞職龍章其文有爲 魏邯鄲淳受命述天子既踐帝位納璽要紱太常司燎升炮告類珪璋我我髦士棣棣踰踰聖躬御策以莅 梁武帝清暑殿效柏梁體聯句帝云居中負展寄纓紱而司徒左西屬江萇和云鼎味參和臣多匱是讀紱字為去聲 禮記註紱之言蔽也

紼

同上 白虎通 紼者蔽也行以蔽背

黻

同上 晉陸雲漢高帝盛德頌區夏既混宇宙蒙又肅肅帝居魏魏神器有皇于登是臨天位繡文于裳組華于黻禮記玉藻註黻之言亦蔽也張昭曰黻與市皆正文各義韞為市之重文紼則韞之俗改帑又市之誤加艸也

帑

同上 詩候人首章彼候人兮何戈與祲彼其之子三百赤帑孔叢子魯人誦靡裘而帑投之無戾

易豐九二豐其沛鄭康成作芾 漢蕩陰令張遷碑
文蔽芾棠樹作蔽沛 今此字三收於八未十四泰
八物部中

白

同上 說文卑从丌白聲
又沸字詩威沸檻泉沸音弗今此字在去聲八未部
音方味切而此韻不收

鬱

紆物切

去聲則紆吠反 漢枚乘七發見碑字下 劉向九
歎覽屈氏之離騷兮心哀哀而怫鬱聲嗷嗷以寂寥
兮顧僕夫之憔悴 梁江淹詩見上

尉

同上 說文尉從上案下也从卮又手也持火以尉申繪也臣鉉等曰今俗別作熨非是 楊慎曰秦置郡設守尉後世軍官曰校尉刑官曰廷尉皆取從上案下使平之義尉斗申繪亦使之平加火作熨贅矣王莽傳有成斗卽尉斗也威與尉音相近隋書李穆傳奉熨斗于高祖曰願公執威柄以尉安天下 今此字兩收於八未八物部中

熨

見上 今此字兩收於八未八物部中

尉

同上 詩蓼莪二章蓼蓼者莪匪莪伊蔚哀哀父母
生我勞瘁 漢蔡邕胡黃二公頌見上 晉夏侯湛
抵疑進不能拔羣出萃卻不能抗排當世志則乍顯
乍昧文則乍幽乍蔚知之者則謂之欲逍遙以養生
不知之者則謂之欲遑遑以求達此皆未是僕之所
置也 陸機鼓吹賦宮備衆聲體僚君器飾聲成文
彫音作蔚響以形分曲以和綴放嘉樂於會通宣萬
變於觸類 陸雲登遐頌生在清純放情玄昧在物
淵沈沂虛攸遂清酒一壺百朋具醉有命集止乘龍
來萃載見君子言觀其蔚 宋謝靈運山居賦其竹
則二箭殊葉四苦齊味水石別谷巨細各彙旣修竦
而便娟亦蕭森而蓊蔚露夕沾而悽陰風朝振而清
氣 後漢書文苑傳贊情志旣動篇辭為貴抽心呈
貌非彫非蔚殊狀共體同聲異氣言觀麗澤永監滛
費 易革上六傳其文蔚也 陸德明音尉又紆弗反
說文引作其文斐也 今此字兩收於八未八物部中

又禮記王制然後設罰羅罽音尉一音鬱今去聲八
未部有罽字而此部不收

屈

區勿九勿二切

去聲則區未反 易林漸之旅見節字下 漢張衡
西京賦見上 魏陳思王上陵贊從漢有功少文任
氣高后封呂直而不屈

訕

同上 漢司馬相如子虛賦微執受訕殫觀衆物之
變態

掘

具勿切

去聲則具未反 淮南子說林訓以瓦鉗者全以金
鉗者跋以玉鉗者發是故所重者在外則內為之掘

拂

符弗切

去聲則符沸反 史記太史公自序五家之文拂異
索隱曰拂音悖又音扶物反 今此字兩收於八未
八物部中

拂

同上 釋名纒 拂也 牽引 拂戾以制馬也
上聲七尾韻 蜚字註曰又扶拂切 今八物部漏此字

颶

王勿切

去聲則音胃 說文颶从風胃聲 今此字兩收於
八未八物部中

拂

敷勿切

去聲則音拂 詩皇矣八章臨衝弗弗崇墉仡仡是
伐是肆是絕是忽四方以無拂 漢劉向九歎飄風
蓬龍埃拂拂兮草木搖落時槁悴兮 道藏馮夫人
詩挺穎德音子神映乃高拂天嶽臨空構洞臺深幽
遂 梁江淹詩見上 禮記中庸君子之道費而隱
費本又作拂

被

同上 詩生民傳弗之言被也 被音弗又音廢 左
傳僖六年受其壁而被之 被音方弗反又音廢 襄
二十五年祝被社被方弗反 徐音廢 昭十八年被襁
殯而被則布幣也 被音弗 徐音廢 定四年被社褻鼓被音
弗 徐音廢 史記周紀周公乃被齋呂后紀呂后被
還外戚世家武帝被霸上龜策傳常以旦被龜索
隱竝曰被音廢又音拂 漢書五行志高后八年三

月被霸上師古曰被音廢地理志琅邪郡被師古
曰音廢郭璞解方言被音廢今此字兩收於二
十廢八物部中

巖

同上 說文巖从巖配聲讀若費

第

同上 詩皇矣見上 詩簞第魚服箋第之言蔽也
第以朝作翟蔽 史記齊世家反而鞭主屨者第左
傳作徒人費 漢書律歷志魯微公第一作潰亦
與字通史記天官書星第于河戒齊世家第星將出
正義竝音佩 今此字兩收於八未八物部中

髻

同上 素問八正神明論視之無形嘗之無味故謂
冥冥若神髻髻 靈樞經官能篇麤之所不見良工
之所貴莫知其形若神髻髻 宋玉神女賦目色髻
髻乍若有記 漢班固幽通賦見察字下 馮衍顯
志賦夫莊周之釣魚兮辭卿相之顯位於陵子之灌
園兮侶至人之髻髻蓋隱約而得道兮羌窮悟而入
術離塵垢之窈冥兮配喬松之妙節 王延壽魯靈
光殿賦胡人遙集於上楹儼雅跼而相對仡欺猷以
鵬眈嶮類類而睽睽狀若悲愁於危處惛顛覺而含
悴神仙岳岳于棟間玉女闔牕而下視忽矐眇以響
像若鬼神之髻髻 吳薛瑩獻詩乾德博好文雅是
貴追悼亡臣冀存遺類如何愚盾曾無髻髻 晉皇
甫謚釋勸論若賓可謂習外觀之暉暉未覩幽人之
髻髻也見俗人之不容未喻聖皇之兼愛也循方圓

於規矩未知大形之無外也 潘岳哀永逝文悽切
兮增欷俯仰兮揮淚想孤魂兮眷舊宇視倏忽兮若
髣髴 郭璞山海經視肉贊聚肉有眼而無腸胃與
彼馬勃頗相髣髴奇在不盡食人薄味 梁江淹傷
愛子賦憶朱明之在節顧岐嶷之可貴晚鑑帳而多
怛瞻戶牖而有慰奚在今之寂寞失音容之髣髴
今此字兩收於八未八物部中 亦作佛晉潘岳景
獻皇后哀策文襲龜筮之良辰啟幽房之潛壘整武
駕之隆壯結龍輶之縞駟望旂常而崩摧披輶輶以
增欷口鳴咽以失聲目橫迸以灑淚邈雨絕於宮闈
長無覲於彷彿 又作佛漢書叙傳學微術昧或見
彷彿疑殆匪闕遠衆迂世淺為尤悔深作啟害
此韻轉去聲則入未韻 按物乃微之入聲舊以為
文之入聲誤

九迄

迄

許訖切

去聲則許氣反
天下矣愾音迄

禮記哀公問君行此三者則愾乎

仡

同上 詩皇矣見拂字下

汜

同上 詩汜可小康鄭玄讀許氣反 爾雅釋詁
汜也正義引孫炎云汜近也大雅汜可小康鄭箋云
汜幾也昭二十年左傳亦引此詩杜預云汜期也史
記稱漢高祖欲廢太子周昌曰臣口不能言然臣期
知其不可陛下雖欲廢太子臣期不奉詔言期者意
亦與此同也 周禮士師凡刳珥則奉大牲羊人作

祈禱夫人作幾珥

吃 居乞切

去聲則居氣反 管子樞言篇故有事事也母事亦
事也吾畏事不欲為事吾畏言不欲為言故行年六
十而老吃也

乞 去訖切

去聲則音氣 說文本作气音氣 禮記少儀凡乞
假於人乞如字又音氣 漢書朱買臣傳上計吏卒
更乞囚之師古曰乞音氣 田延年傳今縣官出三
千萬自乞之師古曰乞音氣 今此字兩收於八未

九迄部中
此韻轉去聲則入未韻

十月

月

魚厥切

去聲則魚外反 詩生民見達字下 漢揚雄羽獵賦於是玄冬季月天地隆烈萬物權輿於內徂落於外 張超尼父頌巖巖孔聖異世稱傑量合乾坤明參日月德被八荒名充遐外終於獲麟遺歌魯衛魏陳思王七啟時有聖宰翼帝霸世同量乾坤等曜日月玄化參神與靈合契越隆平於殷周踵羲農而齊泰 魏德論于時上富于春秋聖德汪濊奇志妙思神鑒靈察方將審御陰陽增耀日月極禎祥於遐真飛仁風以樹惠 帝嘗贊祖自軒轅玄囑之裔生言其名木德帝世撫寧天地神聖靈察教彌四海明並日月 黃庭經見一字下 晉左思蜀都賦見節字下 魏都賦見列字下 左貴嬪武元楊皇后誄

見節字下

張載扇賦有翔雲之素鳥體自然之至

潔飄縞羽於

清霄擬妙姿於白雪俯濯素於河漢仰

晞光於日月

雙趾蹶而騰虛六翮揮而風厲孫楚

尼父頌皇矣

尼父聖哲之傑德比天地明齊日月周

室陵遲大道

蕪穢禮樂崩阻姦雄罔世乃菴門徒廣

延俊乂坐訓列國

頌聲魯衛王廙婦德歲團團明

月鬼滿則缺

亭陽暉曜則逝天地猶有盈虧况

華豔之浮孽

劉柔妻王氏春花賦或異色同形或

齊芳殊制自然

神香不可勝計爛若羅宿之坐光灼

若隋珠之宵列

爽若翡翠之羣翔練若珊瑚之映月

齊謝朓冬緒

羈懷詩去國懷丘園入遠滯城闕寒

鐙臥宵夢清鏡

悲曉髮風草不留霜冰池共如月寂

寞此間帷琴尊

任所對客念坐嬋媛年華稍菴夢夙

慕雲澤游共奉

荆臺續一聽春鶯喧再視秋虹沒疲

驂良易返恩波

不可越誰慕臨淄鼎常希茂陵渴依

隱幸自從求心

果蕪昧方軫歸與願故山芝未歇

梁江淹齊太祖高皇帝誄見下

伐房越切

去聲則房廢反詩長發六章武王載旆有虔秉鉞
如火烈烈則莫我敢曷苞有三槩莫遂莫達九有有
截常顧旣伐昆吾夏桀此章通旆字為韻六韜見
割字下列女傳柳下惠誄夫子之不伐兮夫子之
不竭兮夫子之誠信而與人無害兮屈柔從俗不強
察兮蒙恥救民德彌大兮雖遇三黜終不蔽兮豈弟
君子永能厲兮嗟乎惜哉乃不世兮庶幾遐年今遂
逝兮嗚呼哀哉魂神泄兮夫子之諡宜為惠兮魏
徐幹西征賦奉明辟之渥德與游軫而西伐過京邑
以釋駕觀帝居之舊制晉左思魏都賦見列字下
陸雲南征賦于時玄冬首時陰風戒殺山澤含哀天
地肅乂間夜冽以澄清中原曠而曖昧戎士肅而咸

戒三軍紛而雜運長角哀叫以命旅金鼓隱旬而
啟伐景凌冥而四播音乘雲而上逝內運字誤傳
咸喜雨賦管洪水滔天於唐堯之朝亢旱為災於殷
湯之世下民其咨莫能俾乂歷稔九七僅免斯害猶
疇咨為美談躬禱為勲伐曹攬圖基賦見列字下
周禮大司馬九伐之法劉音扶廢反考工記熊
旗六旂以象伐也劉音扶廢反

罰

同上楚辭天問見悅字下素問見殺字下漢
司馬相如上林賦出德號省刑罰改制度易服色色
所界反易林見折字下晉左思蜀都賦見節字
下梁江淹齊高帝誅矜卑廣慈合賤兼愛綴機剗
賊輕章削罰

蔑

去聲則扶廢反 詩泮水首章其旂蔑蔑鸞聲噦噦
無小無大從公于邁 左傳僖二十八年使茅蔑代
之蔑扶廢反 文九年獲公子蔑蔑扶廢反 成二
年宛蔑為右蔑扶廢反 十年晉侯使羅蔑如楚蔑
扶廢反一音蒲發反又蒲艾反 十六年因楚公子
蔑蔑扶廢反 襄十五年與師蔑師慧蔑扶廢反徐
音伐 定四年靖蔑旃旃蔑步貝反又音吠 哀二
十六年宋樂蔑音扶廢反 詩白旆央央旆本又作
蔑音義曰繼旃曰蔑左傳云舊蔑是也一曰旆與蔑
古今字殊 今此字三收於十四泰二十廢十月部
中

師

去聲則音肺 今此字兩收於二十廢十月部中

越

于伐切

去聲則于茂反 呂氏春秋見竭字下 漢司馬相
如上林賦徒事爭游戲之樂苑囿之大欲以奢侈相
勝荒淫相越 魏陳思王上責躬詩危軀授命知足
免戾甘赴江湘 奮戈吳越 王仲宣誄感晉宴會志
各高厲子戲夫子金石難敵人命靡常吉凶異制此
驪之人孰先隕越何寤夫子果乃先逝 邯鄲淳魏
受命述肅清宇內萬邦有截帥義翼漢奉禮不越旅
力戮心茂亮洪烈樹深根以厚基播醴澤以釀味含
光而弗輝戢翼而弗發 郭遐叔贈嵇康詩思與君
子窮年卒歲優哉逍遙幸無隕越如何君子超將遠
邁我情願關我言願結心之憂矣良以忉忉 齊謝
朓詩見上 釋名歲越也越故限也

鉞

同上 詩長發見上 漢張衡東京賦見鶚字下
梁江淹齊太祖高皇帝誄袁劉二辰焱馳煒發聯謀
制外儲兵襲內囂激瓊殿勢崩金闕志乘玄璽圖矯
秘鉞鴻妖逝星高侵薄月 說文引詩鸞聲噦噦作
鉞鉞臣鉉等曰今俗作鑢以鉞作斧戍之戍非是

璚

去聲則徒例反 說文璚从玉彘聲 今此字兩收
於十三祭十月部中

焚

去聲則音慧 漢書賈誼傳引黃帝曰日中必焚操
刀必割 說文焚从火慧聲 亦作慧六韜守土篇

日中必彗操刀必割執斧必伐 今此字兩收於十

三祭十月部中

蹶

去聲則居衛反 詩蟋蟀二章蟋蟀在堂歲聿其逝
今我不樂日月其邁無已太康職思其外好樂無荒
良士蹶蹶 板見泄字下 太玄經玄錯大也外而
翁也內好也進炙也退樂佚過勤蹶蹶 魏陳思王
寶刀銘造茲寶刀既礪既礪匪以尚武子身是衛麟
角匪觸驚距匪蹶 晉左思魏都賦劔閣雖嶮憑之
者蹶非所以溪根固蒂也洞庭雖濶負之者北非所
以愛人治國也蹶與蒂為韻北與國為韻 禮記曲
禮足毋蹶註蹶本又作蹶居衛反又求月反 孔子
間居子夏蹶然而起蹶居衛反徐音厥 史記滕公
傳常蹶兩兒欲弃之索隱曰蹶音厥又音巨月反一
音居衛反 亦作蹶 淮南子說林訓游者以足蹶

以手拂不得其數愈覺愈敗
宋顏延之陶徵士誄念昔宴私舉觴相誨獨正
者危至方則閔哲人卷舒布在前載取鑒不遠吾規
子佩爾實愀然中言而發達衆速尤迂風先覺身才
非實榮聲有歇敵音往矣誰歲余闕左傳襄十九
年是謂覺其本覺求月反一音居月反又居衛反
昭二十三年乃推而覺之覺其月反又音厥又居衛
反禮記緇衣註越之言覺也覺其月反又居衛反
今此字三收於十三祭十月十七薛部中

厥

同上漢傳毅琴賦命離婁使布繩施公輸之削剗
遂雕琢而成器揆神農之初制盡聲變之奧妙抒心
志之鬱滯今此字兩收於十三祭十月部中

擲

同上 禮記內則不涉不擲音居衛反 逸周書周祝解故孤有牙而不敢以噬 獠有蚤而不敢以擲

鰕

同上 今此字兩收於十三祭十月部中

噦

於月切

去聲則於會反 素問見泄字下 詩鸛聲噦噦噦噦其冥竝音呼會反 禮記內則不敢噦噦噦噦咳音於月反 說文噦从口歲聲 今此字三收於十四泰十月十七薛部中

櫟

其月切

去聲則其衛反

今此字兩收於十三祭十月部中
亦作歲禮記明堂位俎用梲歲註歲之言蹇也音

居衛反

闕

去月切

去聲則去衛反

呂氏春秋孝行篇見殺字下君

守篇故博聞之人

疆識之士闕矣事耳目淡思慮之

務敗矣堅白之察

無厚之辯外矣漢書敘傳見鬻

字下魏程曉

贈傅休奕詩三光飛景玉衡代邁龍

集甲子四時成

歲權輿授代徐陳蕩穢元服初嘉萬

福咸會赫赫應

門嚴嚴朱闕羣后揚揚庭燎哲哲

黃庭經肺部之

宮侶華蓋下有童子坐玉闕七元之

子主調氣外應

中嶽鼻齊位晉左思魏都賦見傑

字下張協七命

既乃流綺星連浮采豔發光如散

電質如耀雪霜

鈣水凝冰刃露潔形冠豪曹名珍巨

闕指鄭則三軍白首摩晉則千里流血豈徒水截蛟
鴻陸灑奔駟斷浮翮以為工絕重甲而稱利云爾而
已哉
宋顏延之陶徵士誄見上
齊謝朓詩見上

梁江淹齊太祖高皇帝誄見上

髮
方伐切

去聲則方沛反
晉左思魏都賦見傑字穴字下
潘岳籍田賦於斯時也居靡都鄙人無華裔長幼襍
還以交集士女頌斌而咸戾被褐振裾坐髻總髮躡
踵側肩倚裳連襪黃塵為之四合兮陽光為之潛翳
衛恒隸勢見列字下
齊謝朓詩見上

發

同上
詩七月見烈字下
蓼莪五章南山烈烈飄
風發發民莫不穀我獨何害
四月三章冬日烈烈

飄風發發民莫不殺我獨何害 易坤象傳含章可
貞以時發也或從王事知光大也括囊无咎慎不害
也 素問見泄字下 淮南子齊俗訓夫一儀不可
以百發一衣不可以出歲 說林訓見掘字下 太
玄經應測龍翰之栗極懼墜也承天萌地陽始還也
日彊其衰惡敗類也極陽微陰應其發也元離之極
不可遏止也 漢揚雄長楊賦見軼字下 張衡東
京賦見鵠字下 桓驎七說騁不失蹤滿不虛發彈
輕翼於高冥窮疾足於方外 楊戲關張二將軍贊
關張剋剋出身匡世扶翼攜上雄壯虎烈藩屏左右
翻飛電發 魏陳思王潛志賦潛大道以游志希往
咎之遐烈矯貞亮以作矢當苑囿乎呈藝驅仁義以
為禽必信忠而後發 邯鄲淳受命述見上 晉皇
甫謐釋勸論見結字下 左思蜀都賦見結節二字
下 張協七命見上 夏侯湛獵兔賦端眺蒿萊摘
盱榛穢落日攢慨傍窺蒨薈視兔之所隱乃精望

而審發弦絕箭激驚伏竝斃涼武昭王述志賦見
列字下宋顏延之陶徵士誄見上梁江淹齊太
祖高皇帝誄見上詩壹發五死獻爾發功徐邈皆
讀如廢左傳成十六年再發盡殪發如字徐音廢
哀十六年射三發發如字一音廢史記貨殖傳
子贛廢著鬻財漢書作發貯說文廢从广發聲
荀子引詩武王載旆作載發張弼曰發从弓發聲
因破體藏弓形聲遂晦惟先明析其體則可知音之
所由轉矣

謁
於歇切

去聲則於介反孔子去魯歌彼婦之謁可以臥賊
漢揚雄廷尉箴無云何謂是則是剝無云何害是
剝是割惟虐惟殺人莫子柰殷以刑顛秦以酷敗獄
臣司理敢告執謁黃庭經常念三房相通達洞得

視見無內外存漱五牙不饑渴神華執巾六丁謁急
守精室勿妄泄閉而保之可長活起自形中初不關
王宮近在易隱括晉夏侯湛抵疑外無微介內無
請謁矯身擢手徑躡名位吾子亦何不慕賢以自厲
希古以慷慨乎梁武帝朝雲曲張樂陽臺歌上謁
如寢如興芳曉曖容光既豔復還沒說文靄从雨
謁聲

歇

許竭切

去聲則許例反晉嵇康寒食散賦當吐利之困患
兮守危殆而假氣喜乳哺之遂安兮信衆疾之日歇
宋顏延之陶徵士誄見上齊謝朓詩見上

謁

居竭切

去聲則居例反 梁王筠詩非惟滅皇祠將欲湮天
祭誰止戮氏羌於茲埽羣羯

揭

去聲則去例反 詩苞有苦葉首章淡則厲淺則揭
蕩八章人亦有言顛沛之揭枝葉未有害本實先
撥殷鑒不遠在夏后之世 爾雅釋水淡則厲淺則
揭揭者揭衣也註上二字音憇下止竭切 史記勾
奴傳定樓蘭烏孫呼揭揭音桀索隱音止例反正義
音其例反 南越傳揭陽令定韋昭曰揭音其逝反
索隱曰揭音桀劉氏音求例反 漢書地理志揭陽
註同 今此字四收於十三祭十月十七薛部中
其謁切

竭

去聲則其例反 詩召是六章池之竭矣不云自頻
泉之竭矣不云自中溥斯害矣職兄斯弘不戒我躬

二竭字與害為韻 禮記月令仲冬行春令則蝗蟲
為敗水泉咸竭民多疥癰 管子內業篇飽不疾動
氣不通於四末飢不廣思飽而不廢老不長慮困乃
邀竭 莊子刻意篇故曰形勞而不休則弊精用而
不已則勞勞則竭 天下篇其理不竭其來不竭
素問生氣通天論四維相代陽氣乃竭 列女傳桺
下惠誄見上 晉殷臣奇布賦惟造化之所陶理萬
端而難察燎無爍而不焦在茲林而獨眈火焚木而
弗枯木吐火而無竭 齊王儉褚淵碑文見缺字下

碣

同上 書禹貢夾石碣石入于河常昭讀 漢梁竦
悼騷賦歷蒼梧之崇正兮宗虞氏之俊乂臨衆瀆之
神林兮東勅職於蓬碣 漢三老袁良碑辭酌不揮
凱以邁民被澤邦畿乂才本德曜其碣 齊王融游

仙詩見節字下 梁任昉述異記引伏滔銘堯碑禹
碣歷古不昧 奉和登景陽山詩見哲字下

怖

拂伐切

去聲則音霈 詩白華念子慄慄韓詩及說文竝作
怖怖孚吠反又孚葛反又匹伐反 今此字四收於
十四泰二十廢十月十三末部中
此韻轉去聲則入祭泰廢韻

十一沒

沒

莫勃切

去聲則音昧 漢賈誼旱雲賦懷怨心而不能已兮
竊託咎於在位獨不聞唐虞之積烈兮與三代之風
氣時俗殊而不還兮恐功久而壞敗何操行之不得
兮政治失中而違節陰氣辟而雷滯兮厭暴戾而沈

沒 魏陳思王七啟 翻爾鴻翥滅然鳧沒縱輕體以
迅赴景追形而不逮 甄后塘上行 倍恩者苦枯蹶
船常苦沒教君安息定慎莫致倉卒與君一別離何
時復相對 晉董京詩見七字下 齊謝朓詩見月
字下 梁武帝朝雲曲見謁字下 左傳襄二十四
年何沒沒也沒一音妹 史記趙世家味从以聞戰
國策作沒从 後漢書皇甫規傳臣不勝至誠沒从
自陳

汨

古忽切

去聲則古對反 晉董京詩見七字下

勃

蒲沒切

去聲則音佩 鵠冠子王鈇篇事從一二終古不勃
論語色勃如也說文引作字蒲妹切 莊子庚桑

楚篇六者勃志也荀子修身篇不由禮則勃亂提慢
淮南子汜論訓豈不勃哉說山訓病而不就藥則勃
矣人間訓其自養不勃史記天官書熒惑為勃亂殘
賊疾沴饑兵後漢書吳漢傳比勃公千條萬端何意
臨事勃亂史弼傳二弟階寵終用勃慢文苑傳禰衡
勃虐無禮三國志註孫皓遺羣臣書政教凶勃晉書
劉元海載記董卓因之肆其猖勃石季龍載記韜凶
豎勃逆慕容暉載記公醉乎何言之勃也皇甫真傳
撥其姦心凶勃未已苻生載記此兒狂勃慕容皝載
記因王師小失敗肆凶勃馮跋載記將勃亂失眾以
至敗亡梁書袁昂傳獨夫狂勃陳書庾安都傳勃戾
不悛魏書任城王澄傳暴勃忽起羊深傳聞弟猖勃
北史魏扶風王孚傳脫出狂勃翻歸舊巢隋書宇文
智及傳抗表言其凶勃竝是悖字左傳莊十一年禹
湯罪己其興也悖焉戰國策秦王悖然而怒韓詩外
傳景公悖然作色曰淮南子道應訓桓公悖然作色

而怒曰盧敖乃止駕止枉治悖若有卷也三國志邴
原傳註太子諮之於原原悖然對曰父也宋書前廢
帝記初踐阼受璽紱悖然無哀容竝是勃字宋庠
國語補音曰梁武以佛有悖音乃改悖音為背今按
經典及諸儒悖字多音步內反罕從步沒者諸傳記
亦未見梁武改悖為背之說將作音者別有所據邪
愚考左氏莊子荀子戰國策韓詩外傳淮南子鵲冠
子史記諸史竝以悖勃通用則知悖字本音從入亦
可轉為去聲今此韻中元有悖字宋氏之論未然
文選曹問六代論豈不悖哉五臣本作勃陸機五
等諸侯論百度自悖五臣本作勃舊唐書杜審權
制詞淮夷猖狂干戈悖起是勃字韓愈論淮西事
宜狀狂勃侵掠是悖字元稹行楊元卿制忠不見
賞則勃者何誅杜牧原十六衛暴勃消削強傑悖勃
竝是悖字于慎行筆塵曰萬歷丁丑慎行在講筵
一日講官進講論語至色勃如也讀作入聲上讀作

悖字江陵輔臣從旁屬聲曰當作悖字讀上為之棟
然而驚同列相顧失色及考註釋讀作去聲者是也
蓋宮中內侍伴讀俱依註釋不敢更易而儒臣取平
日順口字面以為無疑不及詳考反差耳 釋名肺
勃也言其氣勃鬱也

悖

見上 書畢命實悖天道音蒲昧蒲沒二反 禮記
學記其施之也悖其求之也佛漢書五行志京房易
傳君臣故弼茲謂悖竝讀作入聲 唐元稹縛戎人
樂府老者儻盡少者壯生長蕃中侶蕃悖不知祖父
皆漢民便恐為蕃心矻矻宋石介慶歷聖德詩契丹
忘義構机蕃蕃敢侮大國其辭慢悖竝作入聲用
今此字兩收於十八隊十一沒部中

淳

同上 晉左思吳都賦歔霧漣淳雲蒸昏昧

諄

同上 今此字三收於十八隊十一沒部中

孛

同上 春秋文十四年有星孛入于北斗字音佩嵇康音渤 漢書高帝紀有星孛于大角師古曰字音步內反 今此字兩收於十八隊十一沒部中 玉篇有孛字防晦蒲沒二切 晉左思吳都賦宵露灑霽旭日晡孛 今廣韻十八隊十一沒部皆失收

悵

他骨切

去聲則他外反 說文悵从心秉聲 今此字兩收
於十八隊十一沒部中

突

陀骨切

去聲則陀對反 漢枚乘七發見下 馬融長笛賦
見穴字下 魏應瑒奔勢挑誘既戰見欺敵對紛拏
相救不量進退羣聚俱隕力行唐突瞋目恚憤覆局
崩潰項將之咎楚懷之悖也 十四泰部兌字註云
突也

忽

呼骨切

去聲則呼內反 詩皇矣見拂字下 宋玉神女賦
精神恍惚若有所喜 漢王逸琴思楚歌見室字下

梁江淹悼室人詩見物字下

兀

五忽切

去聲則五內反 說文𠂔从虫兀聲

𠂔

普沒切

去聲則布內反 禮記緇衣口費而煩註費或為𠂔
𠂔本亦為𠂔 竝布內反

𠂔

玉篇𠂔佩切向晴也而月部又有𠂔字註云方尾普
乃普骨三切今廣韻此部中不收𠂔字

𠂔

勒沒切

去聲則勒對反 漢枚乘七發觀其兩脰則湧渤沸鬱閭漠感突上擊下碑有侶壯勇之卒突怒而無畏

窟

苦骨切

平聲則苦雷反 杜氏通典窟礪子亦曰魁礪子樂書曰窟礪子本老家樂蓋出於偃師獻穆王之伎高麗亦有之漢末用之嘉會今通作傀偶去聲則苦對反 宋謝靈運辭祿賦雖鑣羈之有名恆游獎而匪滯解龜紐於城邑反褐衣於丘窟判人事於一朝與世物乎長絕

顓

平聲則苦雷反 說文顓从頁骨聲讀若魁

圣

去聲則苦對反

說文怪从心圣聲

卒

倉沒臧沒二切

去聲則音淬

魏甄后塘上行見上

猝

昨沒切

去聲則子晦反
音子晦反

莊子齊人之井飲者相猝也猝一

崴

去聲則音萃
殊類珍怪鳥獸

漢司馬相如子虛賦倣儻瑰瑋異方
萬端鱗崴

滑

戶骨切

去聲則戶對反 釋名全羽為攴攴猶滑也順滑之貌也

倅

臧沒切

去聲則音倅 周禮射人令有爵者乘王之倅車倅音七內反劉倉愛反 戎僕掌王倅車之政倅音七內反劉倉愛反 諸子見六術部卒字下 今此字兩收於十八隊十一沒部中 此韻轉去聲則入隊韻 按沒乃霾之入聲舊以為門之入聲誤

十二曷

曷

胡葛切

去聲則音害 詩長發見伐字下 書大誥王害不遠卜害讀為曷 詩葛覃害澣害否害讀為曷 泉

水二子乘舟不瑕有害
夢我四月我獨何害
鄭箋竝讀為曷
孟子引書時日曷卷作害
卷漢書翟義傳莽依周書作大誥
凡曷字皆作害
說文曷从臼
句聲

褐

同上 詩七月見烈字下

鵠

同上 漢張衡東京賦奉引既畢先輅乃發
驚旗皮軒通帛綺旆雲罕九游闕戰軫輻輳
髦被繡虎夫戴鵠駟承華之蒲梢飛流蘇之騷殺
總輕武於後陳奏嚴鼓之嘈囂戎士介而揚
揮載金鉦而建黃鉞
陳思王孟冬篇見軌字下

餉

去聲則於介反 今此字三收於十三祭十七夬十

喝

許葛切

去聲則於戒反 漢司馬相如子虛賦浮文鵷揚旌
批張翠帷建羽蓋罔毒胃鈞紫貝擬金鼓吹鳴籟擗
人歌聲流喝水蟲駭波鴻沸涌泉起奔揚會礪石相
擊琅琅磴磴若雷霆之聲聞乎數百里之外 魏陳
思王孟冬篇見軋字下 晉書五行志王恭鎮京口
舉兵百姓謠云喉嚨喝喝復喝京口敗復敗 後漢書
竇憲傳陰喝不得對喝音一介反 張酺傳音聲流
喝喝音一介反 今此字兩收於十七夬十二曷部
中

恒當割切

去聲則當害反 魏郭遐叔贈嵇康詩見越字下
晉左思魏都賦見穴字下 字本作慙漢書王吉傳
引詩中心慙兮師古曰慙古恒字

闕他達切

去聲則音太 魏陳思王王仲宣誄我王建國百司
俊又君以顯舉秉機省闕戴蟬珥貂朱衣皓帶入侍
帷幄出擁華蓋榮耀當世芳風掩靄 晉阮籍通易
論車騎中門劔戟在闕雖實叢棘凶已三歲 漢書
地理志太末孟康曰太音如闕 宋歐陽修集古錄
北齊石浮圖記題名有馮黑太者子謂太亦音捷隋
末有劉黑闥吳黑闥皆以此為名太闥轉寫不同爾

獺

同上 魏書宇文黑獺後周書北史竝同 梁書蘭
欽王僧辯侯景傳竝作黑泰 說文獺从犬賴聲

獺

去聲則音賴 今此字兩收於十四泰十二曷部中

汰

去聲則音太 今此字兩收於十四泰十二曷部中
左傳宣四年伯棼射王汰輶昭二十六年繇胸汰
輶汰竝音他達反 唐白居易詩汰風吹不動汰音
闡 說文泰从升从水大聲他蓋切臣鉉等曰本音
他達切今左氏傳作汰輶非是

噉

去聲則許介反 今此字兩收於十六怪十二曷部

遏

烏葛切

去聲則烏蓋反 漢桂陽太守周憬碑書壅遏作壅

霽

同上 今此字兩收於十四泰十二曷部中

竭

同上 文選班固西都賦鞅埃塏之混濁李善作竭
引許慎淮南子註云竭埃也與塏同

刺

盧達切

去聲則音賴 宋王楙野客叢書曰勢有不順謂之乖刺乖刺者乖戾也如東方朔謂吾強乖刺而無當杜欽謂陛下無乖刺之心是也今人言作事不順猶有此語刺呼為賴聲之轉也

癩

同上 今此字兩收於十四泰十二曷部中

糲

同上 今此字三收於十三祭十四泰十二曷部中舊唐書歸融傳文宗問融蔬糲字有賴音何也融以義類對之玉篇有矚字亦力制力達二切廣韻不收

渴 苦曷切

去聲則苦霑反 詩車輦見輦字下 黃庭經見渴
字下 晉時七日夜女郎歌春離隔寒暑明秋暫一
會兩歎別日長雙情若饑渴 齊謝朓詩見月字下
說文渴从草渴聲 詩雲漢箋時旱渴雨故宣王
夜仰視天河望其候焉渴一作渴音苦蓋反

渴

同上 漢班固封燕然山銘鑠王師兮征荒裔勦凶
虐兮截海外夏其邈兮亘地界封神丘兮建隆渴熙
帝載兮振萬世 張衡南都賦見上

鶚

同上 今此字兩收於十四泰十二曷部中

磕

同上 易林賁之損決決需需淡淡磕磕使我無賴
文選成公綏嘯賦訇磕聊嘈磕音苦代反 今此
字兩收於十四泰十二曷部中 亦作磕宋玉高唐
賦礫礫礫而相摩兮燿震天之磕磕巨石溺溺之澆
潏兮沫潼潼而高厲 漢司馬相如子虛賦見上
揚雄甘泉賦登長平兮雷鼓磕天聲起兮勇士厲雲
飛揚兮雨霧霈于胥德兮麗萬世 羽獵賦見下
晉潘岳籍田賦五輅鳴鑿九旗揚旆瓊鉞入藥雲罕
掩藹蕭管嘲啗以嗽嘈兮鼓鞞礫隱以砢礫筍虞嶷
以軒翥兮洪鐘越乎區外 又作溢漢枚乘七發訇
隱訇溢軋盤涵喬文選李善本作礫 魏阮籍大人
先生傳建長星以為旗兮擊雷霆之礫礫開不周而

出車兮步九野之夷泰坐中州而一顧兮望崇山而迴邁

達

他達唐割二切

他達切去聲則吐外反詩生民二章誕彌厥月先生如達不圻不副無災無害說文達小羊也从羊

大聲

唐割切去聲則徒對反詩長發見伐字下易林

小畜之睽芽槃生達陽昌於外漢崔瑗張平子碑文盈科而逝成章乃達黃庭經見謁字下晉左

思蜀都賦見室字下魏都賦廓三市而開廛籍平

達之九達班列肆以兼羅設闌闌以襟帶濟有無之

常偏距日中而畢會抗旗亭之峽薛修所眺之博大

夏侯湛抵疑見蔚字下潘尼益州刺史楊恭侯

碑文夫其器膺宏濟知能周達窮不怨否顯不矜泰履行則為模楷吐言則成隱括德實充於內而光華

發乎外也 南齊張融海賦不動動是使山岳相崩
不聲聲故能天地交泰行藏虛於用舍應感亮於圓
會仁者見之謂之仁達者見之謂之達 咭者幾於上
善吾信哉其為大矣 說文達或从大作达

嘖

才割切

去聲則才外反 漢張衡東京賦見上

𪔐

五割切

見十七辭韻

葛

古達切

去聲則音勾 莊子葛天氏羅泌音蓋 說文謁从
言葛聲

割

同上 老子是以聖人方而不割廉而不剝 六韜
漢書竝見 龔字下 太玄經達次七達于砭割前亡
後賴 揚雄廷尉箴見謁字下 禮記緇衣註割中
勸寧王之德割之言蓋也 說文割从刀害聲 釋
名害割也如割削物也

輶

同上 漢揚雄羽獵賦舉爇烈火轡者施技方馳千
駟狡騎萬帥虓虎之陳從橫膠輶焱拉雷厲驥駢駢
盛 於是天清日晏逢蒙列皆羿氏控弦皇車幽輶
光純 天地望舒彌轡 蜀都賦方輶齊轂隱軫幽輶
埃教塵拂萬端異類 亦作輶 漢張衡東京賦見上

駒

同上 說文駒从馬句聲

句

同上 左傳昭十六年毋或句奪句古害反又姑末反 今此字兩收於十四泰十二曷部中

槩


桑割切

去聲則所介反 註引若槩蔡叔是也 左傳昭元年周公殺管叔而蔡蔡叔定四年王於是乎殺管叔而蔡蔡叔釋文上蔡字素葛反 說文作槩下蔡字如字

繚

七葛切

去聲則音蔡 今此字兩收於十四泰十二曷部中
此韻轉去聲則入泰怪夬韻 按曷乃孩之入聲舊
以為寒之入聲誤



唐韻正卷十六